

槐南集

249

53



槐南集卷八

東京 森大來 公泰

丁亥

新年作

疏鐘先我叩新正門外青山初日生綠井鴉啼回曉夢
銀尊花笑入春醒俊游皆趁晴絲影娛約尤關小草情
池館簾櫳煙漠漠麴塵微漾管絃聲

便道春光酒未濃鉤簾鴨綠正搖溶知他和水蓬蓬遠
也好尋詩緩緩逢梅似雪寒輕縞點山如夢醒薄鬢鬆
閒看車馬紛馳驟若箇吟凭一短筇

明治

45. 3. 7

丙寅

溝水涓涓御柳旁垂絲初見一鶯黃觀兵天子西巡近
翦勝宮娥南內忙上苑曾經傳馬戲貴人從此愛洋裝
繡襦爭試輕盈態惹得梅花笑口香

水上餘霞生縠紋江東羅綺已如雲園丁邀客連忙報
草甲吹煙取次熏準擬蠟來人日屐須臾湔到禊辰裙
春光九十空彈指第一關心是落曛

新正五日史局上直忽接石埭一札寄示新年之
什率然次韻

簾罅花香暗地清被鶯忽漫喚新正觴開酒陣登先醉
天破春題第一晴冶展連朝快有約官鐙此夕訝無情

使人冷臥難成夢迢遞宮門漏滴聲

前一夕飲開花樓歡甚今讀石埭柳橋旗亭作不
禁技癢卽用其韻賦一律

當筵小拍唱玲瓏作達開年肯道窮煙暝將春吹欲合
草昏如夢未成叢香熏衫袖銅然綠酒沁梅花鐵亦紅
乍可佳人開笑口心腸何必不全同

疊前韻贈石埭

詩空靈處韻玲瓏別有無聲奇不窮酒墨雙銜香潑地
苔梅四面綠圍叢歌鬢帳底飄綃霧畫燭紗間印茜紅
我欲吹簫禪榻下橫斜影裏乞參同

開春六日雪晚霽得月

開春六日雪皚皚忽著楊花忽放梅不是天公耽玉戲
借他粉飾泰平來

非花非絮只濛濛地雲開天亦工此夜月光晶潔甚
定然白盡廣寒宮

軟塵香土和春銷贏得冰梅月色饒女伴偏愁挑菜誤
可知人日是明朝

關山月

山上復有山關外復有關入門不得意出門何日還
我歌關山曲莫謂關山樂關山人不歸關山月自落

春雨柳橋酒樓楚崖公子招麟席上作十絕句

絕銷魂處墨沱西楊柳橋頭煙雨迷綠了少年雙鬢縷
春潮初長草萋萋

催花天氣暮寒時怕有輕風翦翦吹簾幕一重春不隔
小樓微雨潤琴絲

銀鬢檀板笑相邀水閣新聲韻最嬌但使柔情濃似雨
世間此景儘蕭條

公子情懷蘭杜叢先生風格古梅同

謂巖谷六先生

何人畫到有

聲處歌是懊儂詩惱公

紅梅白雪鬪嬋娟薄福書生轉惘然那似竹君天分好

虛心相倚兩相憐戴佐竹
公子

腕能屈鐵筆方工小印鴛鴦愛暈紅刻意傷春無賴甚

怕君雕盡可憐蟲池田君
工鐵筆

一尊北海酒如淮況有蘭情水意佳脈脈橫波通軟語

夜寒微上紫鸚釵

不似平生辛稼軒寶釵桃葉解溫存風情一段尤癡絕

摘粉搓酥左與言

一篷花影美人舟只覺傾脂水不流我向此鄉羨漁父

斜風細雨亦溫柔

生小森髯是酒徒當筵紅袖會相扶醉來戲誦羅敷語

妾愛鬢髮頗有鬚

潮野草堂歌為田中遜卿讀成
作并引

相傳武尊東伐經武藏野曠原彌望細草迎風搖動

若海濤鼓盪之狀因名曰潮蹈野即今四谷地田子

草堂在焉命森子歌之

平原不合狂瀾倒風濤疑卷蟬蛸島雷碾咫尺愁掀騰

細看乃是黏天草草薙一劍神蛟纏疾風橫拂二千年

鯨喙鼉擲倏無迹幾度滄海掣為田蕭條墟落人煙聚

我來振觸不能去邈矣武尊東伐時即今田子卜居處

田子史眼然犀如胸羅金匱石室書興來放筆怒潮涌

酒酣長嘯陰飈嘯草堂十笏三徑側修廊窈窕繁花植
好客嘗開北海尊退朝愛看西山色山川不改人代移
何處傷心白鳥祠前年歷徧吾妻國碧海茫茫問橘姬
爾時卻覺蓬萊淺匹如一幅吳綾翦帆影星羅水不波
繡出鷗沙路平衍歸來太息草堂中四顧風生灌莽叢
知君撫髀感今昔此情我亦曾相同生小栖遲尾濃境
側身遙望膽吹嶺游魂恍惚昏冥間毒霧腥風吹不醒
十年縱目徒咨嗟一朝掉首來東華門巷寂寥花獨笑
頭銜自冷詩人家世外論交莫如酒官中知己惟君有
引杯索我草堂歌歌畢沈吟君解否讀書揚摧真吾徒

今人輕詆斥爲迂昭代自非草味世可歎大道偏榛蕪
風潮趨下奈何許誰能憑弔到前古嗚乎天下皆滔滔
此堂猶屹中流柱

廣瀨雪堂進一見示與黃石三洲諸人自在香處賡
和之什用其原韻寄題

自在香中興偶然梅花一夕笑當筵交情修到三生石
才思流成萬斛泉槎客笛腔誰嗣響黃仙詩卷久留傳
愛君標格更清絕月照夜堂冰雪妍

送高橋掌記轉官赴北海道

黃雲白日逼成冰轉覺男兒意氣增海水空蒼連大漠

朔天寥廓沒奇鷹雪飛邊塞春無柳霧合穹廬晝見鏡
休道離羣嗟短翼長歌一發想騫騰

北門鎖鑰扼喉咽夜半傳烽何處邊黑騎電馳風卷帳
白熊人立月鉤弦埃分鞅鞞窮荒地竈滅蝦夷部落煙
萬里滄溟洗兵甲回頭咫尺是幽燕

碧血碑寒臥路隅天陰雨溼尙模糊隴頭磨劍水生骨
塞上吹笳霜凍鬚藁葬一丘留戰迹星羅千島入輿圖
遐荒敷徧昭明化舊鬼煩冤定有無

特筆王師紀遠征寧知今日掉頭行臨岐涕淚襟邊墨
變調梅花笛裏聲海北風涼飄獨雁江南草長亂羣鶯

對牀夜雨成追憶官閣鐙孤別後情

予前有春雨柳橋酒樓十絕友人永阪石埭依數
和之清麗芊眠每一誦芬芳滿口技癢不禁再用
前韻以寄風情其淫思綺語不爲秀道人所訶者
鮮矣世有黃山谷亦應一笑首肯

花相左右水東西暈碧裁紅意自迷芳草憐儂冶春思
畫羅裙畔鎖萋萋

簾衣緊護曉寒時私按銀簫不肯吹多怕風來春水皺
一痕晴碧漾楊絲

綠尊紅舫與招邀小鳥助情花助嬌如此風光人自醉

可憐踈地柳條條

冶鬢嬌衫粉黛叢金迷紙醉興應同榆錢買斷春光好
乞得鶯花作寓公

吮墨勻箋態故娟疏疏蘭葉瘦天然有人別寫梅花照

一樣春心畫裏憐

石埭工墨梅愛
妓某又善畫蘭

鶯鶯花底語能工燕燕梁間襟亦紅吾愛蠶情春不斷
佳人小字是蟲蟲

畫橋楊柳壓清淮始信卿言亦復佳

石埭有只有橋名
楊柳佳之句故云

好與紅

樓圓小夢金陵十二玉人釵

槩几湘簾竹一軒鴨鑪微有篆絲存當闌春水平添綠

只恨鴛鴦不解言

蘭槩盪過桃葉舟花枝搖影浣春流驀然吹得紅狼藉

不信風爲少女柔

煙波釣侶亦吾徒笑擁樵青醉索扶夾巷簾櫳齊貼水

一鉤眉月照蝦鬚

行樂

不會明白不空濛但覺煙熏芳草叢似替幽人鶯小語
相攜少婦酒微中山光水色勻鬢碧扇後衫前鬧杏紅
行樂平分春一等算來公道是東風

晚春玉池仙館晤清人孫聖與

點用其東游詩韻

以贈六首

有美人兮水一方片帆東指白雲鄉采風詎用夷華辨
環海應無彼此疆春去鶯啼新甲子花移草換小滄桑
眼前信美蓬萊土笑與麻姑漱玉漿

烏歌花舞蝶仙仙香國春光冠一年無顆只看櫻亦放
抽絲卻訝絮非顛信傳煬帝初通後書見嬴皇未火前
風土卽殊何足詫惟吾天系自緜聯

游仙一曲奏簞簞噴笛穿雲舞玉龍酒有新銜署歡伯
筆如森舌擅談宗蘇門山古供長嘯孫楚樓高足繼蹤
似我劉家小豚犬可能笑許紫髯逢

玉池仙客夢中樓禪悅梅花畫裏修邀我時開蝴蝶會
爲君儘典鷓鴣裘聖賢除酒將誰與賓主交觴只合周
休怪醉言藏隱謔淳于平日慣風流

翩翩裙屐競嫺都秉燭休教絳蠟孤語軟須防綠鸚鵡
興酣忽碎紫珊瑚畢生長揖風騷將作達甘違禮法儒
今日看君多意氣自歎阮籍已窮途

劈柳吹花不斷情春風湖上水添平呼爲西子渾如畫
賦到東台也有聲紅友尋盟誰是主赤霞奮藻我推卿
料知縹緲滄洲外一一興公杖履征

聞聖與會飲湖上
多有題詠故及

雨中東台觀櫻闌寂無人作此詩

花霧冥冥不知午黃鸝三請欲誰語俗士看花看綺羅
惟愛花人愛煙雨煙雨抹春霏不開曾見東山障子來
今日非煙復非雨山初澹黯雲徘徊雲縷裏花花破未
花意釀雲雲已醉得雨疑流濯濯光和煙乍潑濛濛氣
不見香車翠袖嬌卻與幽人甘寂寥林巒黛滴翠紅合
蘭若草濃金粉銷繁華昨似南朝夢多少樓臺春斷送
早教煙雨相萋迷合不劫塵嗟瀕洞清水堂邊憔悴枝
當年玉樹亦垂絲可憐暈盡興亡淚宛是燕脂井畔時
將軍廟閉乳鴉集禮塔鈴搖一僧入半扉佛火正黃昏
隔花疏磬無聲溼

春日湖山雜興十首

天女鬢雲散碧壇磬聲風送入微瀾過湖船隱聽鶯樹
調馬場圍鬪鴨闌煙水將經何代改櫻花能耐幾時看
詩人默禱嬉春好永結焚香士女歡

三分淥水二分春半作游絲半麴塵紫陌劉郎前度路
朱門崔護去年人花光流豔衫裙暎草色熏晴蛺蝶勻
眉黛青山尤窈窕澹妝還認鏡中真

一箇鴨綠浸鶯黃何處西家脂粉塘自古水邊人亦麗
終朝花下句應香佩蘭公子顏如玉換扇春婆鬢有霜
容易韶光促啼鳩五更風雨九回腸

今年春暖亦何奇景物全如端午時
蘭澤草芳思楚客
桂舟旗簇競吳兒
凌波金鯉振朱鬣
聯臂佳人繫彩絲
只爲刀兵劫難避
畫中烽火警邊陲

忽憶恆河浩劫前
湖心亭長說當年
花宮卅六鴛鴦瓦
歌館三千榆莢錢
玉樹絳霞明似炬
妖童寶馬散爲煙
至今塵漲閒金粉
不見莊嚴照梵天

風吹醉帽任欹斜
枕水旗亭酒可賒
兕角連傾金錯落
鶻絲笑擘鐵琵琶
韶音波按無腔譜
妙畫山藏沒骨花
興極呼船擢歌發
翠簾齊卷岸邊家

臨谿罨畫綠窗深
簾隙煙絲裊水沈
乳燕鳴鳩知暮雨

新蒲細柳較春陰
杜陵好句冥冥合
韋曲穠花緩緩尋
且喜長安天尺五
市朝終未遠雲林

韓郎走馬賦春城
舊夢章臺似隔生
楊柳微顰黃暈減
杏花纔嫁綠陰成
侯家煙散空流水
僧榭鐘孤有亂鶯
剛是夕陽人上冢
當年寒食最關情

叢碑草碧鳥無言
一樹棠梨冷斷垣
不是看花聊酌酒
誰能翦紙與招魂
瓦盂飄落天王寺
木拱淒涼日暮村
我爲蒼舒凝淚目
隔林鐘鼓正黃昏

亡兒墓在日暮里

哀樂茫茫春欲殘
休教鷗鷺舊盟寒
花同香夢迷仍好
酒有清愁醉也難
我輩詩人殊索莫
幾家仙眷尙團圓

青燕不見冰華館悵絕風流梁伯鸞

夢聞喁喁似是園花相語覺而詩之各系以一花

沈香亭北露成幃長護霓裳舊舞衣底事馬嵬坡下死

累人腸斷是楊妃牡丹

有女懷春瓜字年阿姑消息轉如煙不如笑伴維摩榻

破夏前頭又破禪芍藥

躑躅空山血淚斜帝魂鶻化已無家王孫芳草知同恨

零落何人拜此花杜鵑

鬢膩簪香舞袖旋誰教野客許相憐臨風嫵媚如無力

暗賺佳人買笑錢薔薇

孤花似著寄生枝自恨前身是菟絲不作葡萄閒結果
傍人檐下只垂垂藤花

朱繩行并引

偶讀元史有感將賦一詩未成一客從旁盛談世俗
所謂狐狗狸事因次其言作是篇名曰朱繩行者苦
無可命題即拈篇首二字以標之爾

朱繩交縛三竿竹長三四尺無樞軸一盆上覆如蓮蓬
枯然人立成鼎足三人促膝相圍爨各自輕持盆一端
不須巫女鳴鈴呪旁有嬌娃挾瑟彈應聲聳腳竹高舉
隨節搖頭盆自舞非狐非狸何所憑半人半鬼轉無語

乃疑藕孔藏修羅不見纓絡裝天魔只竹三竿盆一箇
妖由人興可奈何君不見至元宮闕踏歌起文殊奴舞
佛歡喜鴛鴦會上燕將軍忉利天開第七市

坐雨無聊百感填臆賦詩自遣四首

子規啼歇雨濛濛錯訝韶光是夢中人未歸來春已綠
花無依處草應紅年華逝駛秦川合世路行難蜀棧通
極目南天渺煙水五湖誰伴狎鷗翁

綠陰門巷冷于秋燕子簾疏雨撲鉤茗氣三分消宿醉
蕉心一寸長新愁誰能遣此人無賴姑妄言之鬼亦羞
莫使苔錢緣上壁微名已付小蝸牛

杜門息影是良圖太息長沙衆所迂時事痛心銜石闕
人情刺骨鼓嚨胡醉言徒欲云云耳慢罵寧堪咄咄無
日與讀騷名士飲可憐蘭畹亦將蕪

賞心樂事夢尋思花下新鶯小語時珠露注涓晨寫韻
紅牙換拍夜填詞此情約略猶能記今日牢騷不自知
多爲詩腸澆酒熱偶然和雨亂如絲

六月二日玉池仙館再晤聖與酒間率賦

奇暖熏晴客卸絲不教宿雨阻佳筵三生風韻紅蘭主

石埭與清初宗室
紅蘭主人同號

九轉春腸白石仙

聖與以九回腸
詞十二闕見示

扇月漸低涼若水

簾波不動綠于煙鈿車乍報吳娘至可似當時畫舫前

和田中青山翰長寄懷春畝相公在夏島別業詩
冠纓一笑絕紅塵不是滄浪濯足民鵲後綠陰清在暑
鳴邊新水暖于春江山勝處樂應足天地劇場裝未真
蒼狗白衣過眼事雲臺可似釣臺身

祇今東海不揚塵臣本煙波浩蕩民箬笠之中堪避雨
桃源以外未知春諸公偏愛風流好餘事還思與會真
聖代果然無棄物謳歌賡到舊漁身

寄題品川顧問官念佛庵次閣中諸公韻

梵唄泠泠月滿庵諸天響絕夜無嵐未容白社青山老
乍可晨鐘暮鼓參聽講樹陰藏怖鴿焚香塔影禮空潭

客來若問攢眉事笑指軍持抵掌談

和金洞
內翰

春山翠涌半谿嵐四面無人笛弄三衣鉢南能傳頓悟
風流東晉足清談徑回淥水穿修竹鐘歇閒花散古龕
我亦未曾無佛性牽蘿願與補茅庵

和即山
內配

鬢華庵是淨名室悟徹拈華微笑中念念念頭諸所有
塵塵塵裏本來空心於揭鉢覆邊豁路自懸崖窮處通
惟愧石頑餘結習點頭未得拜生公

和古梅
內翰

又一首和金洞內翰

一袈裟地晝無譁淨業人天未有涯藥草浸生巖罅水
乳鴉啼繞夕陽家觀心雲白浮虛室彈舌蓮青出妙花

又是經聲散林樾翠微深處似栖霞

青山翰長有再寄春畝大臣詩命予和之

看山拄笏簡塵緣綠水當門好放船笠澤分來漁戶雨
蘋洲吹起笛家煙未妨興到時攜妓奚必功成便託仙
合是翠微亭下路騎驢猶自夢朝天

五湖小住且隨緣不使閒鷗避酒船風響蘆漪來驟雨
月搖荷蕩化涼煙點篝錯訝星爲客鼓瑟多應水有仙
抗手笑邀三島侶夜深一曲奏鈞天

了得湘靈夢裏緣數峰江上一帆船白蘋鷗激香生水
翠竹人家語隔煙鴉髻漁娃歌不俗風標公子舞如仙

此間真覺逍遙樂未信三山別有天

風月重留翰墨緣滄洲嘯傲木蘭船新銜肯換山中相
逸興將浚閣上煙昭代詩宜工富貴歡場酒便足神仙
誰知又有江湖客獨渡鳴門浪拍天

送吉原謙山游奧州

皎若月山月勁於松島松知君游古奧隨處笑奇逢行
篋詩應重歸心酒較濃白川關外路暮雨聽疏鐘

謙山奧州之行已賦小詩贈別謙山意未慊更索
余長歌乃賦此報之

噫何天地之靈絕扶輿磅礴而鬱結不鍾中原鍾朔方

藏之幽奧祕無洩奧之山嶄巖以截嶠奧之水潺琤以
澄澈奧之人物魁且奇君不見古來幾英傑貞任興土
豪赤符白盡將軍髮宗任好男兒心腸肯讓梅花鐵清
衡秀衡俱絕倫義家義經謾叱咄當夫割據之紛紜非
無羣雄之草竊雖類蠻觸之鬪爭未至蟲沙之漸滅有
獨眼龍尤矯矯仙道風雲變倏忽不唱三垂岡上歌沙
陀百戰見遺烈二百年來轉寂寥獨使林平擅奇節若
人不出地無靈如是山川豈虛設乃有嶽崎歷落人出
門大笑貪放達髯束媚毛森戟交歌和狗屠哀竹裂酒
酣斫地聲摩空渴飲黃顰十斗血鬚眉作事貴颯爽動

足不辭萬里別忽欲手擲長青蛇踊躍入龍窟脚躡雙
飛鳧縹緲叩雲闕出白川之故關摩多賀之殘碣涉天
險之金湯啓神仙之肩鏑掀翻松嶼澎湃濤破碎金華
太古雪牧羊道人杳然去無蹤但見白石纍纍撐拒無
數之白骨卽知幽異闕煙霞代有鬼雄相出沒化爲猿
鶴非沈薶魂氣空山現虹蜺凝而不散白日愁天遣奇
人爲一發任爾雕鏤奪化工還他混沌無竅穴山自高
高水自流奧之靈祕初未竭余也偏側都門中臥游自
愧冥搜拙聞君汗漫促裝行知將溟滓歸囊括狂言不
覺肆滂葩長嘯庶堪破寥泬衣川館外秋欲霜會津城

上角吹月因君借問古英雄吾詩寧復欺人說

七月十日作

小蓬萊下好煙波免使蘆中喚奈何畢竟青蓮釣鼇客
居然白石飯牛歌疏狂未悔成名早脫略還愁速謗多
寄語江湖舊鷗鷺朝衫今日綠於蓑

露才揚己陋靈均國子先生非我倫豈敢上書干貴戚
所嗟賣字累嚴親多年謾恥依劉拙此日纔知說項頻
睽隔天涯窮父子一時雙淚各霑巾

望洋幾度歎無成小伎嘔心誤半生蟋蟀吟聲須少歇
蟻螟文字好橫行老師面命煩提耳壯歲心期負請纓

此後晨昏堪自省雕蟲何遽事虛名

書錦堂開始識韓應同麟閣畫圖觀坐中藹有春風滿
天下仰爲霖雨看聖主深知烹斲苦書生轉接晤言歡
記王伯穀當年句丞相憐才不論官

七月三十日舉兒志喜

東海早聞仙果香玉麟兒正浴蘭湯懸弧門外扶桑近
赫赫炎曦照四方

孔釋還勞抱送時啼聲第一似唔呶不須更驗公卿相
無難無災我所思

從來將相本無門草木雖微偏有根胎髮鬢毛徧體

知兒竟不負髯孫

杏殤當日事堪嗟藤架今年再著花
謂爾回生應不妄叢蘭此後長香芽

英物肯誇溫太真雙瞳翦水見精神
森家舊在豐公里祝汝仍爲木下人

輓佐佐木耐齋

當午蟬聲亂似絲聞君蛻化復心疑
命於知己偏難保病到才人不可醫
車亦回腸扶瘦婦鐙如凝日照孤兒
魂兮一慟能歸否地下慈親也淚垂

題畫

慧鬢掩扇避鐙光剛是回身傍短牆
螢影竹聲深黑處不防風灑滿衫涼

長日

長日惟消夢寐中一團蝴蝶戲牆東
欲教詩思從何起只覺春愁掃已空
曉渚笛聲楊柳水夜橋人語藕花風
些時來往湖山熟又被人催句合工

曉行湖上所見

河鼓蒼然星已稀人家籬落月依微
貪涼獨爲芙蓉起喂露誰攜蟋蟀歸
山態霧濃欹翠鬢湖心鏡暗掩紅衣
不期卯飲谿亭客笑認楚音開竹扉

八月十六日風雨迅雷戲用俳體紀之

天放狂飆先突圍山河席卷一齊飛
猛然雨被雲驅遣
驀地雷隨電指揮無婦不驚稱佛號
何人獨笑悟兵機
劉郎失箸真多事終覺英雄面目非

岐阜扇歌爲鐵瓦生作

去年我歌岐阜鏡今年我歌岐阜扇
鐵瓦自是岐阜人
我亦有緣頻夢見春濤先生之故居
卽是香魚水裔廬
九十九峰白雲裏樵歌遙答煙波漁
倚竹孺人之書屋
書聲鐙火隱深竹一卷賸得梅花香
天寒空自傷風木
記得膝前嬉戲時夏幘早透涼
一絲思量已愧黃孝子

扇枕卻煩慈母持哀哀萬事東流水
先生白髮皤然矣
乃今遠游兒獨留拋扇長歎月千里
千里月明空好晴
一握紈扇無虧盈只恐鄉關入夢處
和笛吹起秋風聲
鐵瓦見余眉不展笑云愁是才人善
何苦藏筐悲棄捐
祇合披襟試消遣琪樹西風枕簟秋
爲君好話故山游
扇恰團團月皎皎問年十八處女樓
楚雲湘水木蘭櫂
綠萼青竹濃藍釣蕉師名句滿眼涼
麾扇渡頭始覺妙
清歌一曲煙水空碧瑠璃上明鏡中
旗亭爭賭小鬢唱
團扇又畫森髯翁何矧少年君未老
謾與京塵感潦倒
傷心往事春夢婆換扇未應恨草草
我聞一笑呼酒觴

昏黃邀月聯匡牀杯心綠是金華影衫面青疑稻葉涼
臨風吹散愁腸熱相對休嗟遠離別獨有劉巖一片心
永與檐鐙俱不滅鐙殘月移螢吐焰把扇撲他三四點
鐵瓦鐵瓦興不禁明年更賦岐阜簞

日食詩

八月十九日

嫦娥白日噉曜靈白憑死魄不見形公然被髮夜叉相
口吹毒氣沖青冥可歎羲和被蠱惑云是后羿妻娉婷
但聞桂香紛撲鼻不知身有妖蟾腥一時魂魄盡攝去
大地森森天晦暝日烏三足始覺黑光氣浸薄如微螢
銀河疑翻玄海水上有旁觀三兩星欲救不能走不得

呆然瞪目空青熒安得高懸照妖鏡急呼羲和迷夢醒
更擒嫦娥奏玉帝立刻置諸斧鑕刑那知天意不可測
我欲訴之噴雷霆騰身不屈叩閭闔老闍搖頭笑不聽
天公豈庇此陰物寧容蟻虱驚闕廷天理自然有定奪
區區何暇辨涓涇古來伐性約如是汝不見初三眉月
還媼姪

鍾秀樓圖佐藤雙峰囑題

一峰雨過一峰翠浮煙四潑空濛氣飛入君家鍾秀樓
閣得夕陽不到地樓下流水鳴潺湲滿蓑香雨漁人還
忽然風吹笠飄去舉頭但見雙雲鬢雙峰突兀初破霧

返照蒼茫無數樹當樓秋色開豁然憶君散髮讀書處
讀書十年不樂哉豈知今日老塵埃谿山如此空復畫
只好夢中歸去來我亦田園寄遐想對此沈思神獨往
撫琴動操一再彈爲君欲使空山響雙峰雙峰鐘答霞
猿鶴無聲落蕙花茶煙繞樓隱幽竹敲白山童雙髻丫
牽牛花
淚碧如絲冷玉容洗妝銀浦水溶溶若過清曉那堪見
纔是新秋一度逢月逗籬來窺瘦夢風吹露落助吟螿
蒼茫獨立疏星小數盡紅牆隱約鐘

黃牽牛花

自從烏鵲背微霜乞巧何人學道妝合是漢宮塗額女
誰知星渚濯船郎七襄豔錦楓同褪一圈疏籬菊並芳
卯飲頽然扶不起此情端的似重陽

春畝相公手膽清相李鴻章奏疏歌爲同僚龍居

氏三作

漢城一夕騰妖氛俄然王殿赤焰焚兔青鳴綠忽燹塵
徹天殺氣吹黑雲咄哉亂兵衝我軍其旗黃者尤紛紜
乘釁而起寧無因一時難使玉石分事定必待公論伸
維十八年乙酉春海波霞蘸紅日輪相公銜命辭楓宸
誕持虎節臨天津乃不辱國不破親諦盟務體天家仁

一紙忽傳彼輔臣李鴻章奏謹覆陳翰林侍讀張佩綸
疏稱日本貪狼吞欺我屬國鴟梟蹲劫盟索費難伏馴
請簡水犀募旅賁一舉東伐威聲振臣謂不可奚須論
水師未鍊安哆脣誠恐臨事徒逡巡公看一笑渠自尊
虛張洞喝如狗狺獨斯一老持樞鈞毅然譎諫忠且純
未可遽謂秦無人急召庶僚趨館門別騰一本具狀聞
公亦分箋書記羣玉蟾蜍滴硯纈紋蠶眠小字朱闌勻
卽此半張筆墨痕至今密栗猶如新當時僚俊皆彬彬
就中龍君推佚倫攜歸萬里忘艱辛祕笈寶愛同瑤琨
我豈紅幕蓮花賓狂態動吐車中茵傳觀不覺香手熏

肅然起敬煙氤氳想當瀕洞風塵昏事連三國難解紛
爭桑釀禍非善鄰搔瓜構怨寧忍云矧乃脣齒聯同文
公能披豁開天真折衝尊俎機若神爾來東海生清淪
混同江水空奔渾嶽蓮終古摩蒼旻光華四射扶桑噉
毫髮無憾策偉動而復虛已能閭閻雖半張紙安可泯
見公用意尤周諄題詩聊頌公之勤與公手澤天地存
是我之幸君其珍

秋懷

江潭落葉欲誰依只管騷騷屑屑飛驚鶴中宵憑樹市
鬧蛾一陣逼燈圍有情物小秋悲極沒字碑多鬼哭稀

獨為吟人酸不盡西風亂叩月前扉

夢裏連聞玉笛催高樓誰舉謫仙杯明知天上月無異
便道人間秋可哀白紵青山空寂寞紅霞黃鶴幾徘徊
憶君不見添憔悴肯學當年杜甫來

焦桐幽韻迸哀絲曾是鳳凰栖老枝萬歲千秋空不遇
一彈三歎有餘悲知音寂寂寥寥世回首萋萋萃萃時
不及簾前綠鸚鵡啄殘紅豆最相思

嫵寒難阻畫簾重一段閒情不可蹤夜雨心情人夢冷
秋花氣息佛香穠枯禪久已心如木破寂何來韻有蒼
多是天然相怨慕非關聽者正無踪

十月十八日家大人有仙臺之行率賦四律

蘆笳吹滿四圍山客鬢霜飛木葉斑不盡秋風動砧杵
空懸明月照刀環一家鐙影更深話千里萍蹤歲暮還
休為離羣嗟短翼故人多出白河關

日送飛鴻賦北征關山踏破亂雲平詩分窮朔盤雕勢
笛迸邊秋出塞聲好與少年追射獵定知老氣健幽并
仙臺更市燕臺駿莫道黃金不可成

鴉啼斷埃晚蒼涼送客關河有夕陽一道炊煙峰頂屋
半林楓柏馬蹄霜戰墟流水崩沙聚輦路秋花冷蝶揚
兒女采樵爭指點翠華當日駐崇岡

吟鬚颯爽笑揚船八百松螺不了青偃蹇魚龍隱溟渤
蒼茫風雨走神靈湘君祠老秋聞瑟太白樓高夜祭星
徑欲相從仙道去誰知身計似浮萍

德川侯自英國還朝大會飲舊藩臣於江東中村
樓席上賦此

冠裳高會綺霞明江閣重陽節後晴芳菊堪貽公子佩
英蘭猶憶女王城酒中虹影浮橋出衣上濤痕返照橫
極目水天紅樹遠還疑鷗尾暎華纓

槐南集卷八

槐南集卷九

東京 森大來 公泰

丁亥

十一月二日有隨春畝大臣巡閱沖繩長崎慶島
廣島各縣之命喜極成詩不知筆之所如

雲幢牙戟擁青油雄略奚論管樂儔好舉菊觴稱聖壽
時長節前一日誰參蓮幕獻邊籌天孫分賜支機石琉球開國之君名天孫氏故云小吏

叨陪破浪舟肯道傭書班定遠偶然投筆便封侯

濯足東瀛萬里濤元龍意氣未須豪羅針北極星芒小
銅柱南天海色高一片風帆三日到九州弓矢十年弢

中山咫尺鏡歌壯此事翻疑夢寐遭

幾度沈吟送落暉一聲長嘯破初昕非全夢寐非全醒
不見波濤不見雲何島紅霞雞喔喔通宵滄海月紛紛
壯游翻笑樓船臥也算當年宗少文

書生百事百無緣喜極狂呼只恐顛夢想何曾乘甲艦
詩風也好變丁年既然東土瞻堯日須向南球問舜天
擬奪珊瑚光十丈吟成已不似從前

八日橫濱開洋高千穗浪速扶桑筑紫海門葛城
六艦連隊而發作短歌

峩峩山壓高千穗浪花騰躍錦鯨騎筑紫海門何省冥

扶桑日色赤如幟銅笛忽吼魚龍奔健兒一叱鼉鼉蹲
疾驅鯨屨現樓閣亂卷波濤爲陣門袖中東海一枝筆
書生膽氣恣驕逸礮火萬里無驚煙轟然笑語水雷室

隨員臥牀設
水雷室中

觀音崎

遠聞海潮響泠泠魚梵疑近望崖樹碧云是觀音崎鏡
臺作人立拱手臨滄湄有如夕陽塔倒景生漣漪想當
月黑夜惡浪掀天時上有扁舟簸下有蛟龍飢乍現光
明身普濟衆生危燭冥示彼岸敢謂津梁疲我嘯浚廓
寥對此翻低眉焚香默拜過吁噦大慈悲

經相模洋羣山皆見獨芙蓉爲陰雲所掩

海氣逼羣峰潑開纖黛濃誰教雲滅不見玉芙蓉我有風塵歎天慳冰雪容明朝晞髮後一笑會相逢

豆州洋卽日

葉葉輕帆紅樹前夕陽寫作畫中天翠微小點炊煙處如豆人家是下田

天晚急雨颯至高千穗艦點電氣鐙作導知漸入遠州灘也是夜風濤極穩

柁樓醉倚鐵闌干髣髴垂天鵬翼搏煙認仙家羣井甕

回望大島噴煙

濤輪人海大波瀾火輪銅軸雷碾轉電氣金鐙礮

禪寒飛雨颯然雲不見暗風吹下遠州灘

曉起望參尾諸山

參錯羣山曉有煙一望如薺樹蒼然依稀記得還鄉路曾是秋風掃墓年

海天卽事

幾回清淺問麻姑終古蓬萊水不枯玉女三山微露鬢仙人六博笑投壺霓旌幅幅晨霞彩鮫淚丸丸夜月珠我欲隨風乘霧去褰裳波闊認飛鳧

暮過紀海望大島鐙臺是英船覆沒處

紀山生返照倒射落潮痕青入羆熊野黃銜橘柚村鐙

危峙巖罅濤陷激礁根風雨大江黑曾招魚腹魂

夜聞軍歌其聲頗壯所歌則屬楠公訣別及拏翁
末路故事

星辰迸落大江波一醉樓船笑枕戈海底蒼龍聽鐵笛
鏜前練甲唱鐃歌英雄事業沈淪盡父子精靈颯爽多
餘恨千秋聲忼慨不禁彈劍舞傴僂

土洋風浪險惡不能前進再入紀海竟泊神戶港
颯母狂笑乘崩濤鞭撻萬鬼聲颯颯馮夷椎鼓鬩蛟血
靈胥怒與魚龍鏖混茫咫尺莽雨灑勢驅萬弩難逋逃
玄黃俄變野戰色但覺一陣吹腥臊陽侯川后相顧哭

匍匐鞢心煩勞魂搖股栗仆又起眼看霜骨枯六鼈
誰何來者鯤未化鷦波千里連巨艘是時天地亦震撼
雖有堅甲安能牢卽知真宰別有意南溟未可圖翔翺
避風且蓄負翼力積厚纔能無阻撓不然樓船風引去
徒與飢魚供老饕安期羨門渺不見秦皇漢武空自豪
明朝徐福祠下水纖塵不動秋旻高神仙門戶自茲入
漁翁長嘯搖輕篙

諏訪山常磐亭題壁

席搗家君所書雲諏波訪樓扁蓋三年前會寓此

燕去鴻來等是愁浮萍何意偶然留一家聚散無人識
悵倚雲諏波訪樓

曉發神港望播淡諸勝

舞兒灣口黛痕纖一抹橫雲啓翠匳咫尺鳴門呼欲答
淡山笑揖小森髯

松煙凝翠繞江城鐵拐峰頭初日生樹杪一帆明石浦
寒潮淼淼白鷗輕

由良峽

煙際權歌起數峰青更青猿聲下巫峽詩思妙空船朝
送行雲女秋招鼓瑟靈舟人不知險捩柁出蒼溟

遙望阿淡峽口是家君觀濤處

舟行難蜀道觸石露刀稜暗峽三巴險洪濤四國崩揚

帆崖樹挂叩柂尾閭鷹騁望傷心目萍游白髮曾

再出土佐洋志感

魂悸纔經定餘波尙怒濤江山何險惡人物出荆高白
日探丸走青年亡命逃風潮竟如是我意獨怛怛

海天寥闊四不見陸地縱筆作歌

潮雞臝膊破冥霧烏丸逸駭扶桑樹浮天滉漾不見垠
御風而入虛無路快極狂呼天地間我有詩卷何人刪
頽霞爛放燄萬丈浩歌擊碎珊瑚殷

豐後洋

一髮青山是鎮西眼前好景有人題我來無復尋詩處

渺莽雲濤咫尺迷

日向洋

太古降神處鑿天崇嶽橫不知人代換似向日輪迎排
霧九州小射波千里明魚龍猶拜舞一一彩霞呈

佐多呬

大陸廉隅礪怒湍東南天盡海漫漫自然潮作低昂勢
取次山平起伏巒針路斜沿崖角轉鐙臺側入鏡心看
忽然身在甕灣裏左右峰回積翠寒

海門岳

形肖蓮嶽俗稱薩摩富士

阿虎征韓役驍雄足赫蠻大呼芙嶽頂遙露海濤間所

見知何地相傳卽此山餘威尙堪仰蒼秀盡孱顏

西鄉隆盛墓

秋風落木墓門深手酌黃花痛不禁如此英雄如此賊
一人順逆一人心時來健鶻凌崇漢力盡殘鴉哭故林
豨變自應君子事可憐末路費沈吟

未知魂魄恨無遺餘慕誰同墮淚碑殊域功名思石曼

島津義弘從豐公征韓軍尤有功明史稱爲石曼子蓋以漢字填島津邦讀也

激裂皆孤巢纍卵危子弟八千飄散盡哀歌滿隴唱兵
兒

生爲賊首死爲神遺臭流芳兩絕倫今日九泉應自愧

當時三謫與誰親忍尋捉月磯邊夢可惜淩煙閣上人
別有中興偉勳在祠堂香火未無因

急流勇退記曾經絲竹東山和醉聽禍忽釀成私學校
恩終孤負大朝廷蒼生所望身難繫白骨雖灰目未瞑
憑弔慙然長大息亂峰無數夕陽青

城山

地勢扼喉山掣肘官兵死戰賊死守霜風鳴樹如餓鴟
獅子窟鐘夜半吼山下有寺名
吼獅子窟月墮暗箐陰森中攀援磴窄
蘿無功忽然礮火飛霹靂樹身迸裂星散紅梟雄謾說
猛於虎可憐已作穴中鼠髣髴項王垓下歌只少美人

泣如雨帳前酒熱燈光斜健兒鐵撥彈琵琶一軍清淚
飄霰急萬騎突入風吹沙殺氣憑陵山震撼俄焉寂寞
馬嘶慘黎明血肉填溝渠無數頭顱半截領烏鳶亂啄
無完膚人不可辨紅糝糊至今無名鬼夜哭沈沈哀壑
泉亦枯干戈轉眼十年後我來冒險低回久有淚肯灑
荒涼墟賊名與山自不朽獨歎官軍別一丘祇園洲外
鬱松楸錦江高唱洗兵馬鼓川之水嗚咽流

慶島雜詩

回塘草碧午清幽瀲灩西田橋下流小鳥煙啼一行樹
疏籬竹遶數家秋浣谿裙影搖微見攢黛山痕滴尙浮

卻笑甘諸瓜樣大野人醉說故諸侯

玉里朱門暎夕暉鎌倉遺裔尙餘威雄藩封并薩隅日
華閥勳齊長土肥力疾幾辭恩詔厚旁觀曾恤劫灰飛
十年前事漁樵話不忍回頭問是非

蟲沙骨化曠叢碑雨冷光明壞寺基苔色血凝新鬼恨
松聲鐘助暮濤悲陰雲如幕環攻夜衆志成城陷沒時
若箇生遭太平世賣刀還悔抗王師

話盡金戈鐵馬年登丘望海意茫然山河已閱滄桑變
煙水誰司浩渺權幾代英雄看起滅無邊潮汐莽回旋
漁翁笑指櫻花島母乃桃源別有天

浩然亭二絕

錦江如錦暎楓汀櫻花島漁歌隱約聽山色當杯碧於海
臨風嘯破浩然亭

太守登高興絕羣甘棠小憩酒微醺愛而不見秋如故
霧島山巔忽白雲

題壁二首

天涯蕩子不堪情只恨腰纏鶴背輕小夢游仙歌吹海
萬松濤涌月三更

萬松亭

高高新月柳梢頭一桁湘簾斜下鉤中有十年狂杜牧
未曾半刻悔青樓

青柳樓

興業館聽薩摩琵琶短歌

調調刁刁風竅鳴千枝萬枝燭亂傾嘉賓滿堂酒如海
覆觴疑作波濤聲鏗然壑迸冰泉破砉然石驚秋雨墮
颯沓拉瑟聽乍無惟絃四條撥一箇推手爲琵琶卻手琵琶
壯于鐵笛悲于笳將軍橫槩飛烏鵲明妃出塞沒黃沙
傷心曾聽平家曲山圍潮打一之谷英雄有情淚滿襟
公子無官顏似玉卽今哀怨總難論招出沙場無數魂
是戰城南死郭北念家山破憶王孫聲到極悲苦難述
愧不青衫司馬筆四坐無譁燭忽紅但見熒熒人淚溢
十七日冒霧開洋出佐多岬風濤大作不能前復

回泊慶島時日晚天霽暮色蒼然仰見一鉤新月
城市黃濛濛三里五里霧一半分人煙一半沒雲樹旋
奪前峰青日氣白吞吐江鏡潮暈平鬢髻影遮住如西
裝美人罩面薄綃護云有颭颭徵歌勸公無渡掉頭如
弗聽勇往肯返顧舳艫破杳冥驚起漠漠鷺揚帆猶自
誇澹墨畫中赴海門一回轉亂渦忽盤互俄頃風颭颭
猛然雨傾注惡浪排連山咫尺陷無路礁崩龍骨衝潮
逆舵牙忤嗟余魄遽奪耳目徒畏怖噲呶無射鐘澎湃
玄虛賦識字憂患多乃逢鱗魚怒不然檣櫓材豈速石
尤妬客氣信易敗平生事馳騖阨危悔何及趨程一再

誤轉船復入灣霧霽天亦暮殘角生荻洲漁歌隱沙成
涉險不曾知欸乃即韶濩對此還思詩聊當壓驚具綺
霞江上澄眉月鏡中度纖若羅韞痕浚波試微步

硫黃島噴煙騰涌左為竹洲右為鴉瀨

蜻蜓影盡下南荒一碧天低海勢昂逆浪拍空通筑紫
怒煙衝島散硫黃隔洲竹暗漁然火喧瀨鴉飢鬼集檣
似訴當年遷客恨滿船清淚墮蒼茫

七島洋放歌

七島者口島中島平島諏訪瀨島臥蛇島惡石島寶
島是也海潮逆流奔潰洶涌漢人所謂琉球北有落

滌之患即此過此則遙望大島鬼界島

我已仰寥泬溟渤便合叩蓬壺朝仙闕釣竿高挂扶
桑巔鐵笛橫吹閨苑月胡為危坐樓船入南海然犀徒
照幽宮之怪物龍愁鼉憤胸蟠鬱鯨喙鼈擲筆突兀平
生一片好奇心欲教眼飽貪饕餮打頭不畏顛風吹展
足一任怒濤齧臥蛇惡石紛現前怪怪奇奇咄哉咄島
星羅以基列石嶼岈而屹嶮百獸俛首臨中流猙獰勢
欲殲魚鼈如爪如鱗如齒牙或張或開或缺齧一齊奮
躍噴怒雷陰氣森然豎毛髮天吳僵走猩猩啼鬼燈閃
澹倏飄滅一波作三折潮氣黑凹凸鱗臄撼起如山高

俄然一擲陷蛟窟是時性命輻于毛一生九死爭毫忽
豈圖寶島在眼前正如虎子獲虎穴失聲大呼那可空
手回會須浩歌一擊紫珊裂興酣膽氣麤又麤眼大心
雄莽空闊嗚乎人生過眼誰其常可知禍福機間髮隱
隱之中鬼界島向人還吐膽甜舌

大島

遠望縹緲屨樓臺取次崖欹浪亦堆一陣鹹腥魚氣合
四圍峰翠瘴嵐來蛇懸盤樹伺人影月印圓沙蘊蚌胎
爲是日南珠欲拾漁竿滄海首重回
鏡中倒影臥巒丘短檣誰搖蚱蜢舟蘸日波光魚潑刺

尋煙人語鳥鉤輶水簾千尺嶂如削山帶一條雲不流
轉覺炎荒多樂地弄潮兒女狎閒鷗

二十一日到沖繩島入那霸港

炎風瀕洞海波渾尙自騰紅曉浴噉確是附庸皇日本
邈焉開闢古天孫雄圖只說興王勃文獻徒徵冊使尊
彼亦一時休謾認源家祠廟儼然存

柔艣舟回水一灣灣頭平接淼茫間雲中帆挂雞籠嶼
濤末天排馬齒山直似螺痕浮巨浸好隨潮勢走諸蠻
大言自笑書生耳建柱功名亦等閒

脚跟已覺與天浮蹤迹眞稱汗漫游島國人家風浪窟

海門笳角夕陽樓蛟涎潮落縈沙出鴻爪詩成掃壁留
未必吟龍馴不易恨無豪氣壓滄洲

臺灣直北福州東只覺蠻荒氣脈通心似石頑分黑白
髮將簪束混雌雄一年地上無霜雪萬古天邊絕雁鴻

想見當時神箭力至今烏雀也傷弓

頑民有黑黨白黨之目又球地無雁烏雀之屬亦罕見

途上所見

蕉裙蒲扇市諠闐紅瓦人家櫛比連滿屋腥臊豚臥廁
傍山犖确馬耕田此來都欲留心訪乍見安能記臆全
車上行拈橐中筆道旁男女笑擠肩

檻蛇行

冲繩醫院檻蓄飯匕蛇數頭蛇產本地毒尤甚觸人
立斃試縱兔貓及鷹各一頭入檻中與之鬪皆被噬
殺余目擊其狀作檻蛇行

蛇五六尺體踉跄牙三四寸口充毒向人作勢呀然開
舌尖如燄氣閃倏爰爰者兔騰以趨蛇伴不知故瑟縮
養其全力俄一搏缺脣吐血耳摧衄貓無鬪志初哀號
攀檻欲逃勢窮蹙人皆見貓不見蛇蛇乃乘間又一撲
是時見蛇不見貓貓已無聲脚拳縮身不能動蛇亂咬
眼睛迸裂紅漉漉奮爪而入鷹翩然蛇正昂頭鷹側目
蛇心漸怯始逡巡鷹性雖僥暫躑躅瞰空躍起紛騰拏

爪銳如刀啄如鏃畏首畏尾蛇倉皇猛不可當劈頭啄
窘窮生智反噬工鷹忽負創空亂蹴嗚乎志大終成迂
可憐一蹶受迫促古來英雄同一歎蹉跎百戰等蠻觸
拔山之力亦徒爲時不利兮傷屈辱獨怪蛇也何毒淫
白帝子邪赤帝族居然播種炎海陬白日橫行伍虺蝮
有時樹上倒懸垂有時草間竊蟠伏伺人巧比射影蟲
行旅寒心爲悚惡幸今爾蛇在檻中不然我見亦肌粟
安得漢高三尺劍神光一掣行屠戮蛇孫蛇子無子遺
任爾嗷嗷鬼母哭

首里途上作

霸江至首里一路松翠邀人衫亦搖綠扇影回清颿笙
簧響流水云是安里橋一株最特立矯矯干雲霄所嗟
產炎微空學龍鱗驕信無歲寒節誰識其後凋士生軼
軻中苦志獨自標難爲棟梁用棄置同薪樵感此悵然
立亭午聽鳴蜩萬松嶺在望蒼色高岿峩

首里王城

虎崢連龍岡儼擁中山府門額表懷柔守禮此邦土次
爲歡會門丹綠暈銅柱苔篆形崛奇花塼色蒼古直上
城壁圍砌石磊環堵遠望何纍纍髣髴聚下有冷
冷泉巖腹滴靈乳清風盪空碧濺作滿襟雨躡足聞潺

援猶疑響蚪鼓漏閣空有名山鳥一聲午正殿臨絕崖
螭首峙軒廡傳是龍宮城靈光歸存魯蔓草滋雕闌金
粉剝朱戶誰謂鳩居巢謾憐燕無主緬昔通朱明歷就
滿清撫入貢稱藩臣書樓敞天宇不過希浮榮繡袍繪
藻黼趨名非輸誠實復懾我武朝獻曾無渝首鼠適自
苦至今隸郡縣封王竟奚補赫赫東日光荒裔澤施普
舜天王所都虞石庶堪拊作詩題綠蕉階下鳳尾舞

孔子廟

在首里
中學校

東有君子國乘桴游日邊宣尼有此願廟食非偶然繚
垣界松柏盈階陳豆籩牛羊鹿豕兔鐘鼓笙簫絃頗聞

釋奠盛禮樂儀三千一一傲闕里至今猶肅虔噫聖師
百世洋洋聲教宣惜夫困陳蔡涕泗空流漣吾道果窮
矣獲麟奚待焉到處不黔突盍早風帆懸感此悵回首
煙樹滄海連浮雲起西北日斷齊魯天

中城懷古

天上雙丸跳入海暗潮消長河山改不可磨者孤臣心
至今猶有中城在嗚乎何土無滄桑何世無興亡當其
亂臣賊子肆逆箴天亦必教一二忠魂毅魄扶綱常妖
雲黑壓辨岳頂恨無尙方加賊頸闔門碧血濺者誰曰
護佐丸毛國鼎是中城按司遭國家顛危慨姦雄虎視

蒙君主狐疑一死誓酬屬鏤賜全家甘裹鴟夷皮覆巢
之下豈完卵有子二人鶴與龜弟兄漏刃非貪活非死
之難難者脫而能大雪不白冤飛劍仇頭行一割殺國
之賊祭父之魂九原含笑忠孝一門我昨至那霸有人
述祖淚交下云是護佐丸甲冑不隨魂魄化開匣古血
何陸離想見飲刃吞聲時錦條縈碧爛無色豈知骨肉
留一絲千秋卽此鶴龜裔遺物摩挲空復悲今來中城
陟蒼巘芄芄野雉啼廢苑直下海濤嗚咽聲亂松怒攖
萬蛟蜿

沖繩竹枝二十首

蜿蜒島勢臥蚪龍故事無人話册封惟記迎恩亭下水

古來東海鎮朝宗

那霸港頭來去潮瀛洲仙客笑回橈長虹秋霽有誰賞

初日光浮明治橋

橋在垣花長虹秋霽清人所撰琉球八景之一

鮫區屨穴沐恩波皆唱軍門鼓吹歌爲補竹枝詩一卷

天妃宮外水如羅

擬織中山絕妙辭八重姑米絹紬披黃昏墟市鎧光粲

幼婦嫣然賣色絲

霸港晚市尤盛婦人多織絹紬般布以八重山久米島所產爲貴

白蕉衫薄雨絲濡謾詫窮荒風土殊熱帶圍中新月令

仲冬涼臥碧紗幘

球地多蚊四時不撤紗幘

泉崎夜月浸空明久米村深薄霧生正是閩人歸化處

一籬疏竹小榕城

久米村是閩人三十六姓移住之地

犬吠雞鳴石壁深家家榕樹綠成陰女兒不繫同心帶

笑指郎頭合股簪

人家砌石成牆又多種榕樹以遮日光土俗男子頭髻插簪以大帕束腰而女子則不繫帶可稱異風

櫻欄葉暗月初升擘破蛇絃如裂繒恩主來時休錯認

阿儂門巷夜無燈

妓家夜不點燈閉戶闌寂殆不覺其為狹斜也客至叩門輒應曰恩主來亦恩主者土語猶言郎君酒間或攪蛇皮三絃根極可聽

焚香雙拜女牛星

相傳珠地屬漆牛織女星分野

灌木叢中私語聽但願歡心

同鐵樹儂情不換萬年青

石牆上雜種花卉蘇鐵樹萬年青尤多

十五盈盈歌舞工春來省識愛芳叢可憐手印梅花樣

豆蔻梢頭正小紅

女子十四五以墨點手背作梅花文歲歲增加至嫁時而止

嬌喉脆韻鳥絲蠻畫燭驚鴻舞袖斑花鼓十番傳口說

銀絲纓絡碧雲鬢

舞裝如此歌調則一種名妙之音有連口說十番口說等語曲

首里城頭松影圓崇元寺裏午鐘傳隔簾芳草茶煙碧

品得中山第一泉

泉在首里瑞泉門下旁有碑徐葆光鶴中山第一四字

桃榔風響趁涼歸夾路芭蕉支子肥雨足著田泥掘髀

鶉鳩啼後婦呼豨

瘦馬寒嘶落照邊秋花狼藉蝶遽然不知豕有何奇福

穩向村姑鬢畔眠

婦人頭戴重擔而行間有載豚豕者

村落人家環竹籬徑無落葉只松枝夕陽紅處看看盡

翻覺佛桑花外遲

荒荒海日亂山頽絕壁松濤激暮哀乍挂一痕弓樣月
八郎心事未全灰

碧天何處是瀛洲濯足真成萬里流笑上七星山絕頂

前羅三十六蟬蛸

琉球屬島凡三十六
七星山在牧志村

藩國榮衰幾歎嗟祇今裙屐鬧繁華可憐古礮臺遺迹

落日秋風鐵板沙

礮臺在那霸港口中流有巨礁四圍皆平沙沙
堅如鐵名鐵板沙沿海皆是國人特以爲金湯

弓衣織句愧虛名楓落吳江任客評只愛夢樓神韻好

月明如水撥銀箏

一角青山海上霞樓船破浪壯晨笳朗吟飛渡環球水

誰信回仙袖有蛇

東屋主人以飯
匕蛇一頭爲贈

自琉球歸泊五島珠浦作

片帆遠自小球東拜得扶桑出日紅五島雲濤滄海上
一船松翠亂山中蠻煙含色珠生浦漁笛無聲浪打篷
撥入白蘋香動處與鷗同避石尤風

歲暮

哀鴻亂落語辛酸肅肅嚴霜逼歲闌黨議動招黎庶罪
宸衷誓保國家安一天星斗燄何小四壁梅花香自寒
我輩窮愁茅屋下優恩容臥醉鄉寬

次韻送矢土錦山

勝之

游熱海

高情吟徧野梅村冷看春風紫陌暄笑我懷中刺磨滅

來朝未免謁朱門

歲除索祭詩龕主人畫梅歌

有情天上曼陀雨天女散之道人聚佛惱渠心未免癡
謫作人間夢樓主主人奉佛同王維詩中有畫畫中詩
直將詩畫供禪悅修到梅花瘦不辭新龕十笏玉池側
兒女情多亦憊得花氣清通藥盃香簾絲碧裊茶煙色
詩情寧復減林逋清奇骨韻山同孤雪後水邊月髣髴
暗香疏影煙模糊畫趣更添一枝竹夜半仙燈出空谷
拂素偷憐翠袖寒調鉛真覺紅顏俗化身千億何因緣
放翁未免野狐禪若復準他海棠例如君正是梅花顛

香妙念念梅花偈一杯更醉梅花祭玉娥池底與招魂
繡佛燈前獨守歲歲云暮矣我移居孟郊家具除琴書
雖然此外無長物不可一日梅花虛虛室忽然月生白
夢見橫斜照四壁卽我同心合見憐乞君一畫休深惜
瓣香先禮老維摩走筆爲賦詩龕歌清愁只恐尊前笛
仍舊墨花爲雨多

除夕

絕難排遣是今宵且喜幽居遠市囂掃葉風回窗策策
祭詩人散壁蕭蕭一年殘燭灰將盡五夜繁星凍尙搖
坐守梅花霜氣白天街早聽馬蹄驕

槐南集卷九

槐南集卷十

東京 森大來 公泰

戊子

元旦

海日霞騰紫闕天江山霽色靜風煙鯨濤夢闊三千里
椿壽春稀七十年椒酒遙望親舍祝梅花低傍禁牆媿
家家合有團欒樂說到官情一惘然
鏘鏘劍佩曉趨墀霧裏鑪煙裊裊絲鶯苑笙簧仙縹緲
鳳池紋縠聖瑠璃鬪生小草初榮處忍俊寒梅獨立時
卻笑舍人官未達雅聲偏擅早朝詩

次巖谷古梅內翰修新正詩韻

紛郁卿雲爛九天車如流水馬如煙微臣居卜皇衢後
幽谷鶯遷御柳前翰苑詩筒馳檄促綵樓酒令借花宣
不辭一醉聯新社歌樂承平頌萬年

送阪本三橋敬赴任函館時余整理南游詩彙不

暇他及率賦此以贐

前程九萬送飛鵬意氣知君北海騰惡浪驅蛟吞岸角
朔風磨刃割峰棱天圍部落黃雲合雪照邊關白日凝
我昨南溟空觸熱作詩聊語夏蟲冰

無題

好喚麻姑佐玉觴可曾東土有滄桑三千歲雪山猶戴
二十年塵海不揚神霧春含君子國恩波天闊太平洋
一時笑煞秦嬴政只道蓬萊是淼茫

賀西春庵八十用自壽原韻

是古來稀又十年手持春酒笑欣然看花未覺霧遮眼
對鏡肯嗟霜滿巔十笏蒲龕貪學佛半生木屐欲飛仙
老梅略似稜稜骨且賞園林雪後天
邪谿花滿鳥絲蠻似不曾知世路艱隔樹樵歌風遠近
對牀僧語竹蕭閒禪心合在水雲上詩夢未離文字間
只有翛然塵外想振衣嘯破鎮西山

舊曲宜園側耳聽羣才終未保遐齡獨遺君作升平瑞
安得人教壽考寧尙齒偕聯樂天社種芝閒講養生經
興來更合雲璈奏鸞鶴冲霄亦小停

連日雪作寒甚用東坡江上值雪韻兼呈古梅內

翰

春來不雨田垆龜老農心痛皇天知連朝爲下雪盈尺
先有獵獵寒風吹霰來初訝沙撲面碎落俄如刀剪髭
須臾鋪滿地無陷水亦生骨微澌澌遠林旋覺塔尖沒
鄰竹轉恐牆腰危飄和炊煙亂成縷溼入窗罅織於絲
化工到此伎何細豈復滕六之所爲我時僵臥酒壚側

袁安凍骨難撐持所喜豐登有嘉瑞遮莫茅堂寒僭肌
騎驢不學灞橋客射虎翻憶幽并兒賀蘭山脚餓鴟叫
快絕耳後生風時歸來還圍妙妓陣淺斟低唱春搖幃
冷看孤山處士宅枉抱姑射仙人姿書生自笑福分薄
只好對酒歌淋漓聞言名臣新入閣曳履橐橐鳴軒墀
殿庭俱奏秦平頌百僚袍笏紛離披衢謳巷謠儘堪和
普天率土歡聲馳歐陽夫子興最旺也當痛飲傾千卮
聚星堂成咫尺地白戰肯許賈勇隨尖叉惡韻未及檢
且做禁體一賦之

玉池雜贈

眷屬神仙我所思梁鴻無奈鬢成絲荆釵虛舉齊眉案
不似才郎筆畫眉

情緒紛于錦瑟絲玉谿才調玉池詩鵲春蝶曉都閒事
我憶巴山話雨時

華年未信誤風懷酒後閒情掌託鞋醉煞當筵田大樂
橫生機趣妙談諧田基德號大樂醉後談諧妙絕

酒邊私嗅鬢邊花銀燭枝橫釵股斜翻恨春寒峭如許
銷魂時候畫簾斜

滄海迢迢幾斷腸爲情顛倒是孫郎重來只貯閒金粉
準擬催成碧玉妝孫君異時將買姬

墨香春沁夜梅妍呵氣吹蘭硯暈圓也好忍寒添半臂
玉人纖手軟如絲

送王送島嶼三都米國之行

梅花細雨點春江豈有離愁滿笛腔私史推君紀開國
外交於我重聯邦人乘風去帆連水氣挾霜嚴筆似杠
正好拓開胸宇闊太平海色動篷窗

送宋廣鐵腸周游海外君前有雪中梅花問鶯
之著海內風行一時紙貴詩故用以相爲終始云

鐵腸居士腸鐵石笑比梅花雪中白白衣傲世非空山
幽栖市乃同袖寰詩腸清絕梅花翰對花翻恨酒腸小

酒腸雖小膽柯豪忽然掣鯨碧海濤萬里浩無際
只看天半朱霞麗好隨杲日出扶桑彩旗一片雲錦張
恍疑仙人跨黃鶴笛中正奏梅花落卽今滄海嗟橫流
若箇眼空全地球君也博腸五千卷歐羅亞墨觀風徧
歛華就實出別裁略堪一試經綸才餘事揮毫詩立就
不妨鐵腸化錦繡聖東城月英蘭花水晶宮闕玻璃家
伊余夢裏神馳久春風空餞河梁柳斷腸芳草斷腸鶯
送君不勝菴間聲

王人四月一日竹內氏中村樓書畫會邂逅孫君異
及清國游歷官博戀元顧少逸厚余以事先去

聞席散後古梅內翰拉三人赴湖心亭極文酒徵
逐之盛卽用其唱和原韻兼寄君異

墨江樓樹許吟聯也勝移封向酒泉恰有橋名通兩國
好教春思漲前川柳絲船繫無間處花雨鶯啼不斷天
細膩風光修禊近飛觴還憶永和年

吟袖湖亭醉後聯想君詩思涌源泉啼紅啼綠鶯千里
吹霧吹煙柳一川不是花迷衆香國欲留春住大羅天
相逢自恨空歸去櫻再開時已隔年

麴街冶春詞

墨水西湖迹已陳今年試譜麴街春滿街羅綺香車馬

不斷春風漲麴塵

桃花竝馬柳彎腰情似宮溝水蕩搖翡翠忽然回避去
一雙人影戲蘭苕

朱邸啼花鳥也嬌蕭郎路上與魂銷外邊知道春消息
漏洩難防是柳條

聯臂行看馬上郎女兒一半是洋裝略通眉語微微笑
今夕相逢踏舞場

鏡影肩隨酒半醺口吹蘭氣白氤氳薔薇一滴難爲水
髮束烏絲不是雲

官舍梅花落盡時微寒雨潤綠綃帷愛聽鄰院箏聲緩

故揭疏簾散篆絲

聽盡鶯歌看盡花游春日日不思家殘醒未免將人困
且向星岡去喫茶

綠陰陰處有茶煙瞥見雛姬分外妍翠鬢剛纔竹遮住
不移半步出人前

日枝山水盈盈宿粉殘妝洗不清三兩誰家閒姊妹
褪紅裙子踏花行

清谿水濺碧苔滋約伴湔裙任蝶隨小鳥不關兒女事
銜花啼上保公碑

霞關一帶接櫻田平地樓臺起巋然卻憶井侯舊門第

紅屏相映夕陽天

禁樹猶傳隱隱笳
醉兵散盡暮煙遮
半藏門外烏啼柳
月上英蘭館裏花

花香草碧雨黃昏
聽到新鶻有淚痕
一叫一回腸一斷
九壇祠上去招魂

聞言北里簇蹄輪
多半看花爲麗人
那有閒情問詞客
古梅門巷月如賓

楓時秋禊

琴平十二
勝之一

琴祠秋隱翠微中
下有清流上有楓
靈鼓坎坎醉人散
神鴉啼送夕陽紅

贈菊池金吾

金吾巖手縣人車
駕北巡再幸其家
有賜松一株事
見川田甕江碑記
今茲年七十有七
以獻納海防資
金若干特授從六
位銜予賦此詩榮
之
綺皓呈芝漢闕趨
翠華榮顧赤松俱
旌封今日應無愧
笑對蒼髯五大夫

殿山莊雅集用清相李少荃詩韻

浩歌願共濟川舟
于世會無此外求
河漢朝宗通帝坐
風雲際會護仙洲
東山墅好棊爭局
北海尊須酒進籌
況有翩翩羣俊在
留連且把景光收

京塵遮斷午橋東清晝何妨花霧濛章杜采蘭三日過
時重三後一日應劉傳蓋一歡同茶煙微出疏疏竹鳥語輕隨款
款風更與提壺留客醉待看新月暮如弓

次孫君異重游日本詩韻卻贈

天雞乍報到蓬萊漏轉霞高海色開握手誰圖今再見
題襟卻憶昨曾陪樓頭孫楚無端別花下劉郎有約來
自是仙山佳麗足多情風引一帆回
琴尊重聚玉池家各有風情鬢未華粉墨同題綠春晝
銀杯好酌碧山槎花簾霧隔文藏豹月榭弓懸酒誤蛇
詩體當賡三十六欲教佳話徧天涯

清談俱慕晉名賢休負春風觴詠天須作櫻廚筍筵計
且隨歌扇舞衫緣雖無月夜鐙堪翦但有花時鳥欲遷
便與君家尋故事相邀漱石枕流泉

春夢仙塵不受侵蓬萊雖淺覺情深索題謔贈紅羅帕
扶醉閒攜綠綺琴一笑便聯行樂社三年休作別離音
霑衣又恐吳儂調振觸回腸曲裏心

公車虛載濟時方拾芥功名我欲忘豈敢恃才耽放達
終然無分舉賢良醉中看劍嗟衣短竈下依人愧鉢長
一事對君翻自喜詩情賴未悔齊梁

馬蹄一日徧長安何似飢人夢得餐當失意時堅酒壘

將銷魂事界詩闌筵前紅袖看全慣覺後黃梁熟大難
正好杏花酣欲放與君得得竝吟鞍

陪春畝相國金澤百寶闌看牡丹

傾城名士有餘歡微醉還凭百寶闌月是清和花富貴
應無人說牡丹寒

夏島小蓬萊館阻雨分韻得西

春潮拍岸晝淒迷綠暗小橋煙柳西忽地風濤狂卷雨
頽然裙屐醉成泥終然一日留人住合遣雙鬟索句題
墨瀋淋浪箋擘破隔江遮莫杜鵑啼

席上次矢土錦山韻

蓬萊豈云小仙客此同游草伏月中兔船馴波上鷗雨
收煙漠漠帆隱水悠悠醉拍闌干角平臨萬里流

芭蕉庵雅集壁揭元僧楚石詩幅卽用其韻

雨絲煙柳兩纖纖花氣熏人茗氣甜竹筍嫵抽堪下酒
梅丸小摘好調鹽滿池萍聚魚兒水鎮日風斜燕子簾
客至同尋禪外味眼前機趣悟飛潛

雨意濃時草也纖可知春夢爲花甜雙鬢度盡瀟瀟暮
一笑翻來昔昔鹽洗醉流泉清遶竹助情小鳥淺窺簾
謾言綠葉成陰了定有幽叢許蝶潛

佐藤牧山翁楚材八十八壽筵次自慶韻

洛社當年匹者誰香山枉自斷吟髭料知天竺應無比
惟此仙山始有之人醉榴花乍紅候雨晴梅子正黃時
非才猶獻先生壽并頌東瀛出日熙
等身著述似翁誰脫屣功名笑摘髭非佛非仙修到此
一丘一壑信過之想當畫燭垂簾夜奚異空山啜粥時
卻爲承平紀鄰國崇文今不讓康熙

上毛山本有所半百壽言

翠微遙挂赤城霞金洞近尋句漏沙藥氣靈泉春一脈
道人溫室灌仙花

送阪本三橋之任愛知縣用家大人韻

衣上杭州酒未消曾游回首別愁饒南湖青草迷煙雨
北峽黃牛阻暮朝千里官程隨去雁一帆鄉思滿歸潮
京華賸我風塵歎忍使臨岐折柳條

島田梅顛

萬

索贈詩賦七古一篇應之

孤山仙客水邊籬東坡居士竹外枝詩人未必心鐵石
梅花自古橫斜宜月華吹雪黃昏後甜香春沁一尊酒
凍雲迸裂天無聲笛腔掣作老龍吼花忽飛舞仙乎仙
羅浮綵蝶相蹁躑翠禽導人入香夢此時不可無君顛
顛以此花爲性命自言梅是花之聖不妨攜酒一中之
醉便蕤頭香雪徑茫茫一白梅花林頽然露臥梅花陰

不知夢見美人否也應相和高士吟斗轉參橫月耿耿
醉魂和夢峭然醒猶訝花香是酒香誰憐花影非人影
仙緣我亦嗟難遇夢落西谿三百樹興動笑掀坡老髯
詩成羞對廣平賦玉池妙墨眞吾徒妻梅一癖同林逋
會須替君索一畫橫斜影裏顛夢圖

送大久保湘南送歸展佐渡

四十里程雲浪收望中帆影點輕鷗廓寥天宇通星海
隱約人家隔荻洲黃葉聲催先隴雨白蘋香薦故陵秋
不知誰唱風波苦越女謳歌依舊愁

送巖谷古梅內翰游西都麴坊吟社諸子限韻十

二文乃效其體

風流曠世定推君況趁舊都羅綺紛澹粉輕煙麗于畫
玉驄鈿鼓聚如雲鷗波夢盪紅簾舫蘭墨香吹白練裙
知倚琵琶歌一曲四條橋下水泔泔

夏島別業呈春畝樞密

相公并領散仙銜別墅滄洲背翠巖遠樹滅明知過雨
片雲來去趁飛帆侍兒法曲邀漁笛坐客朝衣錯舞衫
隔嶼有人遙指點清歌天上落塵凡

湖山翁遽西歸賦此志悵

朝雨江城酒未酣驪歌忍遽付何戡宿雲纔潑一川墨

歸夢乍飛西峽嵐故國青山居可卜先生白髮杖頻探
東華門外紅塵裏年少詩人已不堪

八月二十九日隨春畝樞密出都促裝甚急不暇
告別諸友口占一絕句以寄

瀛海長風萬里賒兩年吹我向天涯故人如問君平卜
笑指銀河八月槎

浪華酒樓次重野編修長安釋寄送詩韻兼留別湖

山老人并遠藤造幣局長繼助

蓮花幕下許參謀重作乘風破浪游南雁關心連夜警
朔鷹磨爪幾時休健兒亭堠秋吹笛胡婦穹廬夕宰牛

今日臨岐先痛飲暮潮亂打荻蘆洲

夜發神戶戲作

去年夜入神戶今年夜出神戶千點萬點漁燈一聲兩
聲柔艣與人偏解將迎此物寧關散聚笑倚篷窗寂寥
當船明月過午

馬關雜詩

櫻山招魂祠

德皇陵下淚縱橫更向櫻祠再拜行水火藩廷排俗論
風雲隊伍見奇兵姓名終古馨如酒松柏羣靈擁作城
卻憶平家舊魂魄亂山日落暮潮生

小門襟流別墅

潮流箭疾海門通
崖樹蒼茫返照空
錦石波搖魚影外
翠屏山合酒杯中
礮臺微點巖間白
漁火真疑戰後紅
形勝居然同赤壁
何人爲唱大江東

梅坊臨江閣

阿彌陀寺舊址春
飲梅密常館于此

鎮西山色碧涵虛
正是寒潮欲上初
帆影笛聲風遠近
雁程鷗境雨蕭疏
花宮壞後無鳴磬
江閣臨頭看打魚
休道惟堪畫圖障
三年不斷貴人車

安德天皇陵

帝魂歸些恨難平
慟哭宮娥掌上擎
萬弩射波千騎沒

百靈趨闕一燈明
珠襦瑟瑟淘沙出
羅韞星星踏月行
贏得飄零公子淚
青山影裏賣魚聲

壇浦

夜半魚龍泣作羣
琵琶哀怨不堪聞
運傾有扇懸斜日
力盡無才挽亂軍
殘戟沙沈蘆颯颯
空船潮打月紛紛
詩成擬向江心祭
文字關頭一片雲

聞魚樓謔贈

畫樓絃索響
枵枵巫峽前
頭水不長
神女來時疑是夢
小姑居處未無郎
鬢雲帶作終朝雨
臉粉融殘隔宿香
昨夜初三月
髣髴潮紅眉子
最難忘

對帆樓晚眺

高樓對酒忘顏酡歷歷帆檣不斷過水寺鐘聲催月上
商船燈火與星羅雲容曳尾龜山樹雁影聯行硯海波
將我旗亭壁間字寫來代賭美人歌

玄海洋二首

褰裳涉玄海海水激天風山撼蓬萊沒濤興渤澥空覆
軍笑胡虜失算惜英雄底事徒長望新羅未姓豐
不知何處火四射瘦鯨驚魚腹誰魂魄波心獨滅明掉
頭衝雨進動足踏濤輕筑紫冥冥裏休尋鬼哭聲

對馬

雲帆忽落海西陬夾岸煙巒入對州八道徵輪銷築戍
三年笳鼓警防秋山巔野火時焚樹礁角風濤夜覆舟
市上誰家閒賣藥無人不識是韓休

瀛洲難覓九還丹只覺青山秀可餐官道沿谿敷白石
人家隔樹露朱闌定知雞犬隨雲住合有神仙出洞看

是日游羅知村官道白石人家朱闌皆途中所見

海上歌

混混茫茫江海大銀濤碧落莽無界潮勢壓雲雲亦崩
一槎飛出神山外回首神山千萬重魚尾滅沒霞無蹤
天半文章現紫蜺蜃中宮闕朝蒼龍翠蓋金支相耀眩

誰知此即波濤變黑雨一陣從西來與我征帆試鏖戰
連山忽倒舳艫橫鞞鞞三軍雷鼓聲鯨吞鼉作么麼事
好挽洪流洗甲兵豁然天朗雲空闊無數青螺小如髮
望中何處高句麗落日沈沈島影絕

釜山

紅樹疏疏遶綠灣平潮拍岸鳥飛還市墟半向帆邊隱
人物全如畫裏閒蘆荻吹香秋水渚笠衫飄影夕陽山
側身東望漁樵笑不信仙瀛別有寰

登臨百尺永嘉臺一任寒濤響若雷羣嶼如星朝北極
孤帆觀日駐東萊息波亭古平蕪合籌海樓危亂樹頽

除是滄洲人笑傲四屏山色為誰開

征韓今古總難論想見津頭萬馬屯惡浪腥飛酣戰氣

亂山蒼瘞敗亡魂爭先虎將風雲變虎將謂加藤清正扼險梟雄壁

壘存有小西行長城址忽憶東南天盡處魚龍薩海怒相吞

行空天馬籟蒼煙龍尾龍頭勢蜿蜒天馬龍頭龍尾皆山名滾滾塵揚

東海倒騰騰雲走朔風旋蕭梢自照扶桑日倣儻誰爭

祖逖鞭撻見江山氣凋喪不應駿骨苦懷燕

元山津中秋觀月歌

鶴御如夢遼東游一尊笑傾滄海流奇哉空際月一片
三千里外之中秋天不有涯海無角團團只覺杯當頭

吸噓萬斛波穆穆顧視大地皆糟丘當茲興復不淺夜
何處羽衣吹笛樓關山倒影照毫末白潮碧漢同一浮
蓬瀛使者飄散髮桂漿盪破西巖幽聞言兔山在咫尺
便覺蟾光紛不收韓姬三五聯臂舞夷歌風裊聲咿嘜
言無可解可以醉非吾土兮聊復愁坐中有客嘯向月
示我虎皮斑白裘此地山君足雙跨文簫彩鸞有意不
爲君脫卸換一斗當筵何必江南謳請看中天好明月
不論三島與十洲只能飲者有仙骨莫惜名姓雞林留
元山人家矮陋腥穢不可當

舊俗衣冠敝生涯狗彘兼血痕腥溢肆煤氣黑熏簾蝨

合蟲沙化姦難藪澤殲可憐箕子國不見麥漸漸

時永興土賊未歸殄

頃隨伊藤樞密還自朝鮮清國黎公使招赴重陽
醜集賦謝

登樓一望碧虛寬冠蓋還聯兩國歡菊影杯心知九日
濤痕天末憶三韓纔隨朔雁乘風返誰對西山拄笏看
厚誼感公如挾纊稱觴且話塞雲寒

和人悼亡

南樓夜半雁聲涼休道哀鳴爲稻梁銀漢紅牆人訣絕
青天碧海月蒼茫塵昏箏柱留孤影絃斷琵琶槽牘一張

今日熏香瞻小像多情我亦九回腸

題佐藤六石寬幽窗舊夢臺

寶劍塵薶鬼物欺銀鐺黑獄歎羈縻丈夫慷慨歌應短
文字牽連禍亦奇槐葉圍扉風窸窣梅花寒柝月參差
箇中多有賢豪到不及烏臺一卷詩

題國分青厓高胤懷五子詩

萬古同心異地多所思不見悵如何南山應錮三生石
東海重贖五子歌鞭撻雷霆叱神鬼動搖天地倒山河
奉君一語傳諸俊似此奇才老轆軻

題圓光大師傳記圖卷僧闕城囑

鉢底蓮花高十丈彈舌降龍伏獅象大師出世垂圓光
明月在天印寶相光明所照圖繪傳至今金碧猶煥然
城公一一爲指示使我頓悟參真禪熏鑪供養煙不了
髣見莊嚴界縹緲荒龕四壁吹妙香一聲花外伽陵鳥
十一月四日岡三橋守節招飲醉中赴席賦贈
疏狂笑卸鸚鵡裘脫略誰容髡也留投轄酣嬉堪卜夜
讀騷痛飲最宜秋墨香生壁蘭吹氣燈火搖簾雨打鉤
醉裏全聽作琴筑淒寒不信有新愁

送野口寧齋弋省親歸里次留別韻

蕭蕭乾籜朔風翻銷盡江郎賦裏魂此去雁鴻霜有信

謾云萍梗水無根忍將同調尊前別欲使清愁笛裏言
吹入長亭短亭樹曲終不見月黃昏

江關菰米佐香蕁鄉味從前只夢真力學一鎧如諍友
成名十載報慈親定知反哺霜林鳥也羨還家綵服人
先志卽完傷宿草明年同掃墓門春

記汝先人鬢未霜分箋刻燭爲詩忙坵壇京國齊推主
泉石毛山別有鄉病劇授書思子切酒酣拓戟恕余狂
而今贏得羊曇淚華屋西州亦已荒

生死交情不變難與君日夕喜團欒同青衿子應神壯
如白頭人敢鼻酸欲折還愁關柳短臨行先憶店雞寒

一時我亦嗟岑寂月下霜前獨倚闌

刀筆

拚將刀筆作生涯暗裏年光綠鬢知未覺斯才真太俗
算來我數也終奇懷人虛說消寒約別燭孤吟聽雨詩
只酒一杯春欲近梅花官閣夢多時

時事

臣請中之一醉全客談時事任譁然詭言動使風潮變
新制行看府縣傳議噪蜩螗非昔日獄抄瓜蔓憶前年
具瞻赫赫今亡矣若箇窮陰被酒眠

書空代人

怪事類書咄咄空可憐
蜂蟪兩無功遽教偏見持
中正轉有違言說大同容
物何曾非豁達欺人多半似英雄
老夫別對梅花笑輸與殘年白髮公

釣譽

秦西哲理口津津已忘身爲何處民
雖是空談足驚俗別無創見只嫌陳
釣譽輒自稱才士矯枉原來爲婦人
非我好奇天意耳來朝春物也趨新

偶題

如此馨香欲贈誰人生失意強支持
梅花骨格蘭情性一種荒寒各自知

歲除日陪春畝樞密夏島守歲二首

扁舟送歲入滄浪仙嶼梅花特地香
合是笑迎春第一不辭醉守水中央
許隨裴相添殘火便趁桓公作急裝
鸞嘯迢然吾願足待看海日照扶桑
壯游兩度記追隨樓艦如山屹不移
霜角吹星轉那霸夜濤撼夢走高麗
靖煙萬里邊籌在市骨千金國士知
一介書生效何力然香空祭海天詩

槐南集卷十

槐南集卷十一

東京 森大來 公泰

己丑

夏島歲日

小蓬萊島好青山海日紅霞搖曳間綠野追陪奉椒酒
彤墀趨頌憶鵷班移宮逾見皇猷壯傳詔行望憲法頒
自有梅花候迎輦上林鶯語定繇蠻

數峰眉黛各成妍倒影瑠璃汗漫天翠鳥晴啼漁舍竹
綠波春曳艣枝煙官情卻與鷗同夢萍迹須隨水作緣
一事忍教違膝下嚴親已過古稀年

夏島春興

到手春風酒滿船
滄洲嘯傲抵神仙
雲擎嬈日霞標麗
山沐新鬟海鏡圓
芳樹鳥遷聞婉約
溫湯花亞濯幽娟
零香流入鴛鴦水
欲向晴沙一再眠

新正二日金澤旗亭戲用前韻

亭名吾妻屋

醉聽漁童賣寶船
不知七福是何仙
欲教天下窮愁破
便愛人間好夢圓
此澤名金水應麗
可人如玉態殊娟
東風早滿吾妻屋
休使梅花笑獨眠

儻宅後移居有日矣與家大人對酌率次原韻言懷

有琴尊處可爲家
詩是尋常飯與茶
暝寫然脂調粉墨
新聲壓笛和紅牙
玉臺詠合人如月
錦瑟年猶鬢未華
從此春風扶白髮
花前鶯燕任諠譁

一去知爲夢裏家
今宵同煮玉川茶
梅花氣韻通情性
茉莉香芬溢齒牙
坡老詩開新活計
江郎筆減舊才華
追歡明日春如故
好好共登筵語笑譁

明治二十二年二月樞原宮御宇天皇紀元之辰
憲法宣頒大禮備舉聖德神功曠古未有小臣躬
膺昭代恭讀大詔悅耳飫心口不知所宣爰爲樂
府四章謹志盛典乎萬一凡三言二章四七言各

一章豈敢自擬雅頌庶以敷陳其事云爾

日麗天

杲者日麗乎天日出國中興年移桂宮王正月頒憲章
紀元節練時日蟄啓雷車煜耀天門開帝臨壇祀靈后
臣元良駿奔走慶大禮熙春暘溢紫幄神器光彌六合
燭八極日華燁帝之力錫福祿天潢長沛東海以滂洋
大化洽鴻哉業羣生湛休哉法

鑠神武

於鑠神武開基樞原奄受寶命此日紀元畝傍之山神
聿來宇鬱彼佳氣千古萬古庭燎宵晰蘭茝晨芳容容

裔裔神歆斯享乃薦樂章乃臚宏範神其有喜春祺以
堪騰天而歌笙磬同音神慶帝慶民心帝心列祖列宗
以孝以敬我皇昭事握有金鏡

粵稽古

粵稽古陶唐虞堯舜典禹臯謨彼何人非吾土扶桑東
神德詔十七章國之楨大寶令條理明皇集成垂鴻文
述而作光芬熅眷泰西立憲政德塙法并彪炳巴威倫
索遜尼瓦敦堡普漏西民暢權相膺責蕞爾邦丕其績
聖衷度貽燕翼瓜瓞繇格罔極壺政穆宗室昌子孫子
王女王葉碩茂受洪祐誓勿渝慎繼序

霆發榮

一百一聲霆發榮白雲叢叢花英英鸞路龍鱗開九閔
觚棱金鵲朱霞霽霽宇空澄飄霓旌長麗喬皇前後明
帝步陟降泰階平躋踰百辟鏘璜珩外國賓將拜且趨
曜靈赫奕臨蓬瀛郁郁紛紛莫以名琳琅天語授阿衡
寶冊一字金鏗鏗維聖冥冥經緯成陶鈞獨化六氣正
於變時雍逮衆氓微和宣布同句萌聲氣遠條萬象呈
嶽蓮仙掌白雪晶呼萬歲者遙三聲帝乃酌彼黃金觥
柘漿桂酒布蘭生左右秩秩穰露零朱軒動奏球曼鳴
既醉言歸百福盈兆民逐靡謳歌迎青陽涵煦天下晴

宮溝之水清更清瑄淙彷彿五十鈴鳧鷖在渚鹿食苹
游魚在藻尾不賴庶物盛長澤普法有苑者柳飛倉庚

春曉卽事次韻

花枝欲笑雨絲輕自起巡檐解曉醒早被內人移鏡照
郎君側帽聽流鶯

杉田觀梅三首

乍指白雲處未辨花有無一徑近紺宇旋覺風香鋪雲
情與花意非煙非霧俱入寺磬聲絕細視花清癯一瓣
飄佛髻下有僧趺趺宛然淨名室華鬢妍且都乃知色
空理何事禪耽枯妙諦在微笑敢謂芳心孤愧與凡豔

比村女羣如茶

玉壺濯冰魄霞氣蔚妍狀花豈金屋嬌海作錦屏障不
數香雪海此地卽瀛閩振策登高丘天水碧彌望長風
千里來吹春一齊放仿像如夢中坐我蜃樓上幻景須
臾間花光變潏潏大呼觀止矣命酒發高唱花也仙乎
仙助人興豪宕

捷下八幡岡去叩妙法寺寺中珠簾梅如珠簾罕地玉
體春橫陳芳姿佯憔悴盡道豔而俗恐貽淨域累平心
爲較量不過乏清致若嫁爲我妻定不嫌嫵媚冶容非
誨淫淫者自喪志譬如齊梁詩豔意焉可棄唐突花含

冤是亦不平事

俄蒙春畝伯隨行之命卽日啓行賦此告別諸友
其巡回地方見乎詩中

檢點征衣半酒痕青山招我出都門西京塵輭閒金粉
南內鶯殘古寢園明月生于清淺瀨梅花笑在薄寒村
春風卻與詩人便此事從前畫裏論

月瀨十律

一見眞成勝百聞梅花萬樹白氤氳錯疑昨日霏霏雪
翦作前谿縷縷雲影墮水心橋亦斷香生巖罅路微分
春風如線寒猶峭吹與詩人滿袂熏

薄霧冥濛不可收
林霏宵暎數峰浮
花隨山氣陰晴變
水與雲光上下流
風意遞香吹入酒
禽聲導客喚登舟
武陵謾道桃源好
若箇漁郎一再游

藐姑仙子幻中真
不使曾迷洞口津
借得青山做妝閣
居然空谷見佳人
霧鬢隱約晞清曉
鏡水分明照麗春
一事天寒嗟袖薄
可憐修竹是前身

竹間纖徑更橫斜
峽逼崖圍不見家
笛破空林忽飛霰
春回老樹盡成花
鶯無遷意聲聲哢
苔有寒香漠漠遮
我亦他時偕隱好
孤山眷屬冷生涯

髣髴沿谿種白榆
春星歷歷繡成圖
綺黃自是山中土

萼綠真疑世外姝
倚竹一枝殊窈窕
刺天羣玉只模糊
定知匱而仙雲裏
讀易高人味道腴

化身千億影參差
肯道東風第一枝
村女亂頭粗服好
山靈微月澹雲知
峰巔寺隱鐘猶出
竹下谿寒鶴不辭
飛去飛來夢淒警
羅浮鳳蝶讓清奇

造化人煙以外寰
翠屏迤邐水潺湲
更將春雪鋪爲海
只有朝雲不是山
偶爾悟香煙雨寺
忽然流豔月波灣
橫斜清淺尋常事
好句林逋亦合刪

拙堂才筆最超倫
載酒扁舟雪後春
九記文心花氣脈
十篇詩品月精神
遲生悔我非當日
終古推君作主人

狂與老梅撻醉骨可能招入白雲賓

崔顥題詩在上頭唐賢佳話足千秋要看縱有青蓮筆

誰敢再吟黃鶴樓處士偶然標瘦格逸妻特地鬪清愁

謂梁公
圖夫婦

老顥謾向梅花罵笑爾爭奇死不休

山陽有直將戲
手罵梅花之句

一尊花下幾徘徊直似剡谿乘興來我本虛名隨薄宦

地真絕勝要奇才詩人鐵石心腸在貴相煙霞杖屨陪

笑煞村翁何解事向公勸買是鹽梅

名古屋客舍偶感

昨夜高樓一笛飛東風吹客故鄉歸羣花亂作霏紅雨

芳草霑如慘綠衣三宿空桑猶戀戀滿城疏柳昔依依

非煙非霧春仍舊可耐重來感十圍

二十年來夢不真垂楊入眼一番新雙魚城郭疑前世

三月鶯花認故人舊院簾櫳宜聽雨少年裙屐愛嬉春

官袍誰信青青草車馬雍容步後塵

圓頓寺先妣墓不掃者十餘年今來一拜碣仆久

矣痛極成詩聊志我罪

焚香泣拜影堂鐙斷鼓零鐘喚欲磨一樹冬青荒滿日

十年宿草痛填膺土封雖在教無碣兒罪殊深不恨僧

今日春風空薦飯梨花照盃冷於冰

松楸回首鬱楂枿賸有濃山笛裏賒粥鼓敲催春寺雨

乳烏啼上殯宮花碧流和淚穿殘隴寒食無煙閉故家
然土成香默嗚咽浮萍身世悔天涯

阪本三橋新居小集卽席次韻爲贈

花下亭臺竹外居小禽滑刺喚晴初蛾眉山潑螺青墨
鈿轂春回油壁車一笑相逢情自見三年不問迹寧疏
鬢華庵裏當時事猶記談心夜翦蔬

南都冶春絕句十二首

并序

寧樂之游花候尙早留僅半句不成一句頃觀東土
羅綺之紛譁忽憶南都鶯花之寂寞春日山上鵲呼
古帝秋篠里中草弔王孫千載伽藍何惟靈光獨存

六朝金粉豈可同日而語將其勝槩賦入新篇境雖
親歷語實冥搜以臆測之只應如是云爾作南都冶
春絕句

南都三月看花時取次春風著意吹那處鶯聲者邊磬
何王殿上草離離

草長鶯啼無限情花飛釧動可憐生春愁不盡如春水
采女祠頭綠漲平

朱闌碧閣隱垂楊若草山前土亦香拾翠遲遲春日野
落花吹滿女兒箱

焚餘金盃出人間肯信鶯花劫後閒墮見一枝興福塔

夕陽影裏掛青山

來爲尋芳去進香畫羅裙蝶笑人忙貪看鹿子銜花戲
步屣還登二月堂

巫女舞時花落輕驚鴻一瞥眼波橫神靈也自銷魂慣
雨導雲從管送迎

丈六瞿曇坐夕曛低眉猶度綺羅羣偶然雙髻春山涌
彈指花生下界雲

黃昏佛火隔層巒只有松門斷鼓殘忽地回頭三笠頂
飄然影出月丸丸

春入袈裟香滿龕優尼梵唄鳥聲憨佛如許我瑤光塔

花下相逢奪亦甘

春泥雙屐印花歸草色萋萋欲上衣古寺斑鳩啼不斷
生駒山翠雨霏微

陵寢無人冷碧苔新鶻欲喚重低回可憐花有宮娥淚
暮雨多從佐穗來

客程儘阻雨瀟瀟此地風光魂已銷縱使芳山花入夢
臣心不忍賦南朝

有以予此行不到芳山
爲歎者故以此詩爲贈

隨意莊歌

己丑五月鄉公五三告老齋集賦此奉贈

前坡新樹綠於潮遙巘鬢雲澹不消碧草離離人影渡

平波拍拍鴈枝搖飛起白鷗三四點一簾乍卷夕陽灩
灩灩溶溶酒滿尊水紋皺作流黃簞盡說君家隨意莊
新蒲細柳護回塘聲妓風流桃葉盛主人富貴牡丹香
玉堂一謝解珂佩邀客笑催簫鼓隊五湖船上會冠裳
北海坐中添粉黛好事殊推鑑識眞書滿壁絕纖塵
零紈斷墨裝潢重倒薤排窠印賞珍玉人纖手加揩拭
鴛鴦小紐紫霞艷羣賓相顧醉顏開鈿紅似暈天桃色
呼杯移席更聽謳似我狂髡偏見留翻階芍藥堪相詎
沿榭蘋花朵自由逢場何處不如意惟意所隨便游戲
此樂卻從何處來廿餘年事豈容易余也青衫登錦筵

感公豁達想當年來往屢經公故里微時小宅臥谿田
三十六灣新漲急梅花亂落笛聲入滿村布穀雨晴時
野飯吹香滿春榼白出鄉園誓棄襦高飛黃鵠贊鴻樞
二三父老誇相識猶說公能記得無飲辛茹苦起貧賤
時來際會風雲變急流勇退非貪功今日公心乃始見
調絲擊管不妨耽選竹題詩酒半酣我歌未闕公大笑
墨河之水如濃藍

觀松旭齋天一奇伎

天一奇伎以美人磔死之戲得名然其弄水吐火諸
術神妙不測予與橫田竹泉香苗同觀之嗟賞無已顧

予拙劣之筆恐不足罄萬一姑述其所贈炙人口者而贈之

美人背縛十字架觀者愕眙兒女怕是何刑罰何罪名
無情暗把髻奴罵驚魂難定鬢髻頰嬌啼不出宛轉哀
雪膚花貌無人色慘過貴妃臨馬嵬髻也一槍手自掣
氣不遑巡意已決勢如風雨摧梨花贏得杜鵑一汪血
血流滿地氣一絲一絲斷絕四肢垂衆噤無聲瞪目看
纍然一箇美人屍髻笑拋槍曰死矣前有大函盛以水
將屍扶起投其中念念有詞曳袖起從函出者何踟躕
眞成脫殼如金蟬也似虛無縹緲裏五雲暎出霓裳仙

書生鶯籠誇兒戲此種神奇始堪異依然如玉一佳人
笑傍魁梧一髻史

湖心亭席上賦呈湖山翁頽唐之筆豈敢云贈第
以資一時談噱已

岫雲過眼任渠忙笑出東山高臥堂一線關河通鐵路
十年煙水話蓮塘重來冠蓋諸公在今日江湖此老狂
有酒如淮堪上壽芙蓉也好試新妝

醉裏朝吟復暮吟性耽花月到如今老來紅友交逾款
妙在青山隱未深云與樂天同此趣翁詩以白香山爲宗卽知憂國是

君心

翁有性耽花月心憂國之句

長慶樂府風人旨鄭俠圖中仔細尋

簾波風皺舊亭臺
逐酒徵詩絃管催
歌似新荷翻雨打
湖將生面替人開
略同鴨水東西樹
須引鶩兒三百杯
興極神馳一千里
恍然簫鼓祇園來

少年本合悔生遲
有限才華浣粉脂
只此疏狂知見恕
似公遺老許相隨
醉醒之境堪忘世
笑罵皆文況是詩
若道緣情失繩檢
紅樓誰唱惜春詞

野口寧齋游江島歸見惠漬糟石決明數枚媵以
七言古風一篇乃賦此致謝按石決明卽鮫魚一
名九孔螺俗作鮑魚非也後漢吳良爲郡吏不阿
太守賜良鮫魚百枚昔人珍賞其所從來尙矣

天宇無雲繡波靜
晴光窈窕浮煙艇
海底石碧沙玲瓏
空明倒懸蜃女影
影忽抱石龍驚趨
疑剖蚌腹探明珠
翻身一騰笑出水
素足踏波輕於鳧
手擎一枚螺九孔
問客平生善飲否
此間靈秀鍾介鱗
此物真堪下一斗
君看拍手稱大奇
頽然醉過夕陽時
仙鐙隱隱出洞窟
笙簫鸞鶴天風吹
鮫人所宅蜃宮闕
水佩風裳現恍惚
戲擁漁娃雙髻螺
擬撈茗茗一痕月
余也觸熱風塵中
幾曾逐臭游海東
今晨食指微一動
豈圖異物來詩筒
咀之不盡詩同味
漬之以糟酒同氣
當時痛飲傾百壺
想君十指香沸沸
我亦持杯覺自豪
不須左手擘霜螯

興酣援琴一再鼓爲君長嘯和鳴濤松風入夜起竽籟
置身髣髴蓬壺外是夢非夢神飄然明月圓如徑尺貝

六石過訪有詩次韻

天下滔滔浮似漚喜君擊楫倚中流詩人胸宇江山拓
七字長城萬里侯

戲和宮崎晴瀾宣政韻

冶思嘗求綺語工漸知色相本應空綠陰近日眠琴足
不怕花飛不怕風

次古梅內翰大綱山館養痾雜詩韻

不見先生一月餘臥游閒賃海邊居窗前萬里船迎送

門外還停萬里車

往事揚州一夢中祇今病對落花風綠陰成後休怊悵
曾是青春不負公

君平簾肆說乾坤大隱何妨市井諠不管桃花開與落
斯賓斯主便仙源

晚來行藥便徘徊無力薔薇傍綠苔絕勝有情人臥病
不曾孤負好春來

猗頓聲名到處誇金川煙月牧津霞市街亦冒主人姓
一帶倡家連酒家

金川有高島街

欲試游龍腕力雄侍兒磨墨響隆隆青蓮豪興淋漓極

草詔曾收第一功

平臨雲物倚高臺眼看白衣蒼狗開卷散涌來心未足
作奇峰罷送乾雷

橫川唐陽感過訪云明日將歸信州醉中戲賦此

贈別

欲往從之我不能聞君明日度峻嶒筑摩河激秋吹角
諏訪湖寒夏斫冰月夜舊詞憐姥捨霜臺少女笑狐憑
平生愛誦梨園曲擊節臨岐重翦鐙

佐藤六石扁舟載鶴集題辭

謾比江湖載酒行一枝蘭漿盪柔情要知水是鴛鴦國

推此夫妻作主盟

不讓梁鴻伴孟光浪淘一卷好熏香船窗定許憑肩讀
纔寫然脂字數行

一片滄浪韶濩音有聲畫裏見仙心銷魂臨到青山臺
別有文君黛較深

月下青蓮酒未醒風前合有呂仙聽笑將黃鶴樓頭笛
吹向湖雲似洞庭

鳳凰山下對斜暉指點輕舟畫裏歸柳陌菱塘竹扉外
白波翠巘一鷗飛

落楓江冷暮雲平譜到蘋洲無限情吹破煙波九十九

一枝玉笛是雙聲

題雨軒生雜鈔

滿壁蟲聲亂似絲
星星往夢有誰知
秋心合在芭蕉葉
聽雨軒頭別燭時

看盡人間傀儡場
閒中日札費商量
他時誰檢叢殘藁
野史亭前草自香

送矢土錦山歸伊勢

內外宮垣松柏高
知君再拜薦谿毛
千秋崇祀齊山嶽
一曲神絃答海濤
今日臨分無別語
平生作達有餘豪
祇應迴酌清泉後
古市聞歌醉濁醪

涼夜不寐感念百端聊次六石寧齋二子唱和詩
韻以言吾懷正金聖歎所謂此亦一消遣法云爾
不關人事豈由天
感物無言自悵然
露下啼蜚疑有淚
風鳴枯木欲妨禪
問誰俱語檐前鐵
著此相思被底絲
竟夕沈吟還自笑
惟傷心語可成篇

夜涼如水浸空階
明月邀人瀟灑齋
可與蘭言解余佩
怕吹秋送入君懷
此時河漢星微動
何處簾櫳笛正佳
屈指往歡雲聚散
始知生世本難諧

送宮崎晴瀾歸土佐用留別原韻

襆被蕭然雨墊巾
琴囊劍匣不離身
臨岐試與吹桓笛

揮塵曾俱慕晉人騷一讀過談免俗刺無投處字生塵
促裝猶換金貂酒好帶微醺出鳳闈
應有清歌送薛談生來綺夢懺何堪柔詞回盡人腸九
小盞邀來月影三自是吾詩宗醉李能令公喜擬髯參
相思他日君須記買宅桃花潭水南
仲宣樓上幾相過信美無如異土何故國洪濤秋百尺
新詩寶劍日三摩盛名偏擅齊梁體本色誰知燕趙歌
我有一言聊餞別古來忠孝爲情多

次晴瀾神戶客樓連日風雨寄懷韻

風雨天涯歸不歸再游有約此心違菊花未笑傷今別
柳葉臨飛歎昨非書與哀鴻聲亂落詩成殘燭影相依
懷人不寐重陽近午夜淒寒透薄幃

九日清國黎公使紅葉館醺集率賦二律

爽氣晴巒涌翠鬢登高望遠此江山平臨雲木秋明瑟
軒豁煙濤鳥往還漢使星槎超碧海天孫豔錦綴仙班
年年嘉會黃花笑風雨重陽屬等閒
紅楓葉葉照衫裳張醺居然畫錦堂挾瑟妙姬茱插髻
臨風醉帽酒飄香秋高何氣山能碧人澹無言菊自黃
一臥嚴親嗟白髮緣慳未得奉華觴

小田原鷗盟館卽事

粘天波浪渺何其謾羨塵纓欲濯時漁父無言搖艇笑
相公此意叩鷗知關心水國非鱸膾回首長安歎奕棊
目送浮雲拜楓葉夕陽紅處似丹墀

田中青山議官見惠木通果一籃賦此致謝麴坊
吟社席上分韻得東

名園異種滿筠籠何以報之詩未工豆蔻含胎憐尙小
櫻桃浥露笑渠紅瓜如碧玉憑誰破木與靈犀可竝通
一飽轉思秋意味芭蕉庵裏野花叢

天長節詔立明宮親王殿下爲皇太子大禮慶成
恭賦七言古體一篇

今皇聖壽辰維良元儲承序居春坊羽翼鴻飛絕四海
旄幢日出懸重光龍樓煜燦紫煙繞鳳輿迤邐華蓋張
天門徐引彩鸞扇御氣遙通金鴨香羽林虎騎正儼立
瀛池鵝序俱趨踰太子知爲天下本臣民齊舉萬年觴
青山鏡吹競笳鼓翠華眷臨親閱武禁營練甲排魚龍
行殿晴雷繞梁柱車聲疾轉馳道雲馬蹄歛散灑塵雨
扈蹕首數新台司調羹復用舊匡輔其餘煙閣房杜倫
敢卽漢廷絳灌伍動庸赫赫衆所瞻東朝濟濟況無數
歸來賜醖明光宮玻璃圓闕淑景融芙蓉臺峙八極表
蓬萊秀聳三山中千官拜壽聖顏近萬象呈喜羣生同

憶昨國憲始頒布更將家範垂無窮而今宸極有副貳
當時翊贊賴鉅公紫芝豈可避世去赤松願樹非常功
是日追昏魚鑰啓雲和瑟調奏軒陛玉牒已授元良箴
蘭臺爭擬柏梁體明星出地臨紅牆樺燭燒天接朱邸
七貴三公并舞歸八珍六味飽飭饗天街士女屯如茶
杜陵臣甫喜流涕野無遺賢海不波菊有黃花汎以醴
霑醉作賦歎疏才遭逢眼觀三大禮

皇城移轉憲法發布并此盛典亦可稱三大禮

金井金洞議官之義囑題其先人烏洲先生月瀨圖
卷己丑歲除之夕丙廬作此

今年月瀨探清奇賦得十首梅花詩歸來高堂啓篋看

白髮一笑微頷頤老夫杖屨恨未到汝功足補一簣虧
吟諷略作臥游想他日濟勝知何期當時拜言心竊喜
又恨妙墨無徐熙安得傳神爲寫出一千本樹春參差
金洞先生知我意特示一卷香紛披謂爲先人得意筆
對此鎮日堪忘飢展開雲煙忽浮動須臾翠屏旋邈迤
四山合抱一條路谿水清淺流澌澌水流花開筆亦放
想見乘興酣淋漓於無花處得花趣況有花處千萬枝
斜斜整整互罨暎疏竹密竹相扶持定知翠羽喚夢入
黃昏月出光迷離微茫中認絕巔寺似有磬聲雲外隨
模糊中點泝谿舫如聞笛聲風裏吹我眼所觀筆皆到

詩所不及無所遺不禁拍手叫奇絕梅谿大觀略盡斯
願將此圖示我父卽應君索題一辭嗚乎此約終未果
嗚乎人事不可知閔予風木哀罔極無物可喻終天悲
偶逢歲除祭遺榘梅花忽到窗前疑君言節哀須以禮
何用苦傷遺體爲請替先靈踐前諾我聞淚下如綆縻
魂歸來些游月瀨遺言在耳那忍辭吞聲躑躅寫數字
公之先人并鑑之

槐南集卷十一


249

53

槐南集

24

18



槐南集卷十二

東京 森大來 公泰

庚寅

元旦揮淚試筆

無人解道此時悲厄運終丁百六期歲改辛盤虛設位
天寒丙舍強持卮雖違居喪三年禮可廢開春一日詩
便慰先靈還自慰慘然念與素梅知

酸風射眼痛填膺破曉淒涼野寺鐘淚滿杯盂空復酒
春來門巷獨無松膝前俄抱瓶罍恨地下難承菽水悰
慟絕萊衣未呈綵忍將縞素拜遺容

自從奉藥廢晨羞背面私懷百歲憂雙股當時真欲割
寸腸今後爲誰搜詩詞俱是過庭訓父子長期擊壤謳
豈料升平春又到孤兒一曲哭松楸

回頭廿歲背慈萱撫育端憑天覆恩兒作官卑何以報
妹如人大未曾婚鳥離幽谷猶哀語霰集梅花是淚痕
怕見賀正客來往閉門噉泣送黃昏

絕句二首次金子書記官海外詩韻

雲帆回望日邊東指點虛無路不窮胸底歐羅吞八九
淩空笑御大王風

今日荒涼霜滿營當年草木盡皆兵英雄成敗關時運

不在山川不在城

德烈西甸
古城址

新柳一絕嘲無名老翁

麴坊吟社
廟上分韻

婆婆老樹著新芽誰道春風是夢華猶向章臺擲青眼
偷窺北里舊煙花

阿兄桑南完娶賦此告先大人之靈

蓼莪廢後淚空揮豈有春風動素幃二月靈辰過卒哭
一家大事賦于歸林逋眷屬梅迎嫂謝女妝奩絮作衣
故揭遺容博歡笑此心泉壤不應違

隄氏平綠村莊寄題詩尾崎落陵囑

客滿漁莊酒滿尊平疇一色接柴門綠波芳草沿沙澗

白雪梅花映竹村

莊在杉田村比鄰

出寺磬聲春亦韻隔煙月氣夜

無痕他時我好尋詩去杖屨延留到夕昏

野口寧齋出門小草題辭

出門不過二十里刊詩亦止十數紙君豈燕雀蝸鳩心
寧齋主人笑而已以多爲寶非吾徒雖少亦貴明月珠
此珠只許才子握世間何限黃金奴荆高市上筑聲破
狂歌甘受錢神唾營營蠅蠅笑煞人掉頭欲向青山臥
青山在望梅花招月林影散鐘蕭蕭馬蹄春雪熊谷寺
沈吟傾盡酒半瓢人生樂是稱意處何必遠穿亂雲去
可行便行休便休詩成不借山靈助若謂梅花何以佳

一枝只取幽賞諸明知詩是窮人具奚妨性情與俗乖
我聞頓消京洛念開卷忽驚萬丈燄始識君才不可量
古之聶隱三寸劍

紀元節卽事題山本畫師富嶽圖

閨苑啼曉梅花鶯紫殿紅樓初日明去年千片萬片雪
今日春風吹滿城花飛如雪鶯聲繞隨風縈拂游絲裊
裊窈沖融春水平只覺碧痕漲芳草香輪馳驟玉驄驕
總向畫中相動搖輓塵一道光不定當關岳色如霞標
式瞻神祖紀元節長記寶文照袞闕凝而不散氤氳雲
絕巔皎皎去年雪飄搖天樂聞雲衢鶯亦亂嘯花模糊

花下小臣醉獻頌是句龍爽仙山圖

紀元節又得一律

溝水涓涓玉漸融甘泉清曉氣蔥蘢金甌如月何曾缺
神劍吹雲亙古叢宮樹野煙春一碧紅梅白雪酒微中
禁垣內外謳歌徧百疇黃鸝送鐵驄

矢土錦山見似送福原周峰公亮歸任勢州四絕句

卽用其韻聊言吾志

神山縹緲接家鄉一色春天煙水長他日竹弓俱射鴨

蓬萊祠畔買漁莊熱田神社古稱蓬萊祠

煙篷歸夢畫中行四面空濛鏡水平柔艣謳鴉歌襖靄

花時細雨入津城

柳枝臨折又思詩愧我才非謝客兒只願夢中芳草綠
隨君行迹到天涯

尊前風月有離睽聚散如雲雲亦迷悵家翁舊鴻爪
星星殘墨認留題

勢南劍嶺修道功竣滿岡郡長有詩用其原韻贈
岡逸平

劍峰崩岾割天黑斫取夕陽半邊色鴉飛不到雲谿窅
欲崩未崩石相逼忽然開豁天無功一闢千巖萬壑通
南風吹山作平地七字贈君君自雄由來五瀨神靈境

險中況復拓佳景此後萬籟無聲時月明鸞鶴嘯雲嶺
寄題越後古山澹香日長堂用其原韻

信河混混帶沙流北陸天陰雲木稠鴻雁銜蘆歸越路
英雄橫槩并能州鳳輿偏眷青山隱龍種親題白日悠

往年車駕北巡堂爲行在所
時小松宮親王嘗曰日長堂

始信君心如太古懸瓢松護一堂幽

木如意歌爲念佛居士

錦山別號

竹不可湮謝生淚鐵不可屈趙公志古來此物敲壺歌
大抵忠臣義士事何哉念佛居士齋木魚叩出木如意
木兮木兮可奈何爲棟爲梁是汝器居士一笑休須休
土木形骸同贅疣松柏爲薪可太息樗櫟于世何所求

逃禪一醉吾事畢佛如可飲定點頭況此磔砢多節目
似我歷落崎崯流歲寒同心有君輩試與擊節能歌不
我謂居士真傲兀眼中除酒無一物禮法之儒看若仇
興酣罵坐怒叱咄醒亦能狂忽袒肩欲將奇骨向佛乞
此物爾時徐撫摩不怪其形若許凸一生不息惡木陰
異材枉付焦尾琴休言佞佛拜木偶世間此外誰知音
西臺哭聲寂然矣宣州白骨無可尋嗚乎乃知竹兮鐵
兮萬事不如意那似念佛居士槩木心

題江戶會雜志

三百年來事可嗟滿營楊柳一關霞而今宮樹蒼蒼碧

誰向東京錄夢華

奧蘭田 支黃 鹽谿紀勝題辭

山光水碧畫圖兼十八鬢雲詩一箇花影搖槽春欲漾
前谿人唱竹枝鹽

籃輿入畫翠微巔一線風吹木末泉散作敬亭雲縷縷
謝家團扇寫新篇

寧齋歸里諸同人餞飲墨水旗亭次錦山韻

詩情酒分勝諸昆盡是風流唐解元洛下春三過修禊
江南第一賦銷魂燭枝瞥瞥梅花墅絃索棖棖夜雨村
翻笑垂楊無意緒柔絲未慣繫歸轅

次韻寧齋留別

意氣籠人勢不降偶逢知己共吟窗青衫落拓筐中一
紅豆相思曲裏雙花月擅場推別調江湖滿地笑村腔
興來忽欲隨春去使我無言夜掩釭

卜鄰他日願栖茅爾我方稱莫逆交有病何堪草堂臥
將愁全向酒杯拋春來豪興題花徧別後新篇寄雁抄
記取臨岐一言贈好詩在不避人嘲

清國嚴達叟 辰 墨花吟館輯志圖陳詰甫 明遠 囑題

春蘭采采補笙詩膳罷馨香沁硯池 陔餘叢考圖 墨作花來如

綵戲書由酒借勝錢癡 瓶酒借書圖 扁舟不動吳山影弱柳纒

飄越國絲

蓬窗
筆圖

咫尺桐江垂釣隱讓君著作閉門時

海濱
閉戶

灘光七里夢飛來心折波濤良史才輯志圖成傲鷗鷺

懷人詩好到蓬萊

有墨花吟館樓
人詩集一卷

鶯啼香國嬉春日花笑狂奴

蘸甲杯醉上元龍樓百尺

時蘇市折
簡招飲

雲天望斷子陵臺

四月三日與田邊碧堂

華

國分青厓飲星岡茶寮

席上分得尤韻

冶春詩社得新儔莫負鶯花筍屐游十雨五風空醉醒
三人一日此句留苔痕篆瘦蒼圍砌竹氣簾深碧入樓
揮塵不禁相顧笑隔林歌管夕陽收

五日本田種竹

幸

與青厓碧堂過訪再飲星岡是

日雨甚

薄寒門巷午冥濛新柳眠醒翦翦風小雨來時簾忽綠
落花多處屐皆紅偶然不速三人客若箇能稱一世雄
只好旗亭俱畫壁賭春休使酒尊空

寧齋後至酒酣談劇賦此自哈

鬢影春風未有絲看桃題柳喜肩隨相逢細騎搖鞭去
只恐深杯到手遲錦瑟華年圓好夢美人香草託微詞
如何刪盡閒情賦貽笑長安輕薄兒

席間送碧堂歸備中

麗都才子吐蘭芬誰料薇山又出君玉島人煙生屨影
甕江春水劃簾紋榻來花國冥冥雨此去鷗波淼淼雲
悵向尊前凝遠日雙鴻明日共離羣

寧齋亦以九日啓程

偶感次韻答錦山見寄

彈指花飛過眼煙不辭醉倒綠尊前談諧玩世胸無滯
傀儡牽絲手有權才地謾爭三十里酒場難貫百千錢
此心相契同魚水一笑春風麴壘堅

十日奧蘭田欵乃山莊招飲卽事似孫君異永石
隸二子

賓主風流愜素情坐聞欵乃兩三聲簾陰苔輓幽花笑

樹杪帆移落照明小閣茶煙藏窈窕雙鬟歌袖可輕盈
酒酣度曲頻相顧待見波山暮黛橫

阪口五峰來京招同古梅錦山石隸青厓諸人會
飲柳橋酒樓用其唱和詩韻爲贈

偶撥青琴寫麗思手生荆棘已多時猶然高興難忘酒
如此才人可廢詩匱而紅花春夢醒芊眠碧草客愁知
相逢殊愧吟情澹褪盡江郎筆一枝

時錦山有槐南才退之說

停杯無語忽沈思謾道調高難入時公等才皆堪奪錦
吾家事本不離詩新聲暮雨吳娘唱小社春鷗越女知

往年先大人北游五峰爲創一社名春水白鷗社

忍問舟江柳依舊當年白髮折殘枝

戒後本事詩

戒後春風事偶然乍相逢處乍相憐橫陳繡被生紅浪
隱約紗燈露翠鈿我夢爲雲爾爲雨來時如月去如煙
定情擬賦花游曲書破吳綾幅幅鮮
形相色授眼波通未信蓬山是夢中雲鬢花顏仙綽約
羅裙玉腕月玲瓏肝腸爲爾銷應盡眉黛羞儂畫未工
相對徐餐遠山秀如蘭氣息滿熏籠
知是釵聲是漏聲微微喘細太憐生多情碧玉回身抱
無力紅鞋託掌擎前世擔來緣分重今吾拋去姓名輕
殷勤說與將鴈搵嬌極難防鬢亂橫

忽然歡合忽悲離萬古詞人一半癡落溷楊花卿亦爾
迷花蝴蝶我爲誰天虧難得長圓月蠶死曾無不盡絲
以此因緣相訣絕回腸明日悔應遲

岡本黃石老人

八十壽言和次自慶原韻三首

我有胸中萬斛塵稱觴愧不宰官身嶽光雪麗三千歲

老人所居樓扁云嶽雪海樓

松色樓高八百春

五月十一日設壽筵于八百松樓

花謝老鶯仍睨院

雨過晚筍忽精神溫容一接開茅塞想見雲情鶴骨眞
晴樓冠蓋聚三千爭壽吟人享大年於笑談間存福相
有風情處是才仙玉絲金管優游趣紅粉青山遇合緣
鸞鶴高蹤文字契一時都入草堂編

金尊直把海濤傾一笑觥船不用撐
昭代自居耆老首故侯曾識豕臣誠
百年門第烏衣換四坐雲煙彩筆驚
擘破薛濤箋十幅莒蒲花發五雲明

斷腕行贈愛生館主人高松保郎

出門亦憂入門亦憂匪憂難釋弗可釋者縲纆囚舅猶
我父君豈我讎君怒不可以解舅命其休我有半子誼
束手無策空垂頭一解昔聞孝子割股其愚不可及其心
良苦又聞飛霜燕賤臣振風齊庶女精誠可感天烏頭
馬角奈何許吞聲躑躅無所訴扼腕而視淚如雨二解妻
兒繞而哭舅罪難可贖斷我左腕代舅屠腹不視肢體

爲我有至情乃見真骨肉我生非所知舅命庶可續三解

是日天陰雨溼淒其風晨抽刀攘臂反袂起砉然墮地

血滿身妻兒倉皇眼欲花聲張不出口啞啞腕邪人邪

感而泣者鬼神邪四解黑獄沈沈白日匿四無生氣有死

色絳市再蘇安可得金雞忽一唱喜極淚霑臆雪舅不

白兔仗堦一臂力五解太歲在卯公死而生義俠豈待官

家旌明年丹詔下幕府還政四海并人爲其主義有取

東台死守同田橫公亦獨臂出搏戰隻手欲支大廈傾

此志雖不成千秋閭史留姓名六解而今二十餘年矣有

賣藥者長安市保郎名高松氏勿擬新豐折臂翁兒女

亦知伯休子昔偶傷生今愛生俱以救人死其揆一焉
耳七解

五月三日同錦山奉訪春畝相公謹次其近製詩
韻以呈

滄浪閣上碧平闌煙景空濛抹翠巒霖雨須成天下雨
牡丹何似此心丹春風草長鶯千里秋水魚寒月一竿
忍把宮袍代蓑笠天廚酒暈不曾乾

陪春畝相公飲塔澤洗心樓卽興成五十六字

天將湯沐畫中開不許詩脾有點埃通體玲瓏疑入鏡
洗心脫略共銜杯美人臨浴巖花笑錦襖乍啼山雨來

添得謝公絲竹興平原十日願追陪

苦雨悶甚尋夢自遣

夢乘五馬勸農桑桑葉猗猗稻葉長底事無煙如冷節
人家滿眼雨淒涼

夢隨估客笑登舟身計誰知浮似漚如此風波渡江去
鷓鴣聲裏峭帆愁

夢爲漁父臥疏篷莎草江南煙雨中天外一聲鷓不見
笠檐蓑袂綠濛濛

夢聞清磬斷橋西布韞青鞋處處迷自笑此身堪入畫
是雲門寺若邪谿

夢醒還買玉壺春賞雨尤宜茅屋人位置綠蕪紅藥外
娟娟修竹是前身

六月十二日巽亭小集作九絕句語無倫次以資
一場鬪笑已

筍肥花瘦雨如絲天爲詞人驀一披迎面陂塘水同碧
卷簾爭唱摸魚兒

雙槳受風飛燕斜瓜皮艇子綠楊遮蓮儂欲采同心藕
先拗菖蒲蕩子花

佳人笑受酒旗招料識芳魂取次銷最是闌陰宜盪月
涼波吹定一枝簫

邀笛飄飄韻欲仙夜闌還繫柳陰船煙波大有漁人利
桃葉桃根儘闌妍

陳郎豔格絕羣才會見填詞小影來今日蓬山花綽約
銷魂何似紫雲迴

陳荔甫

縫娘一曲可憐生癡絕風流孫子荆鴻雪因緣紅葉字
三山樓閣盡題名

孫君異

玉池清曉試鶯天畫到梅花不羨仙磨墨香生紅袖角
釵頭么鳳較嬋娟

雪苑文心香久拈卜鄰听夕唱酬兼酒酣同誦李姬傳
惹得桃花一笑鹽

錦山夙嗜壯悔堂
文尤愛誦李香傳

各自風情各自狂，休孤結客少年場。
簪花擊鼓平生事，我是揚州醉伯梁。

戲贈石埭用錦山韻

人有閒情便鞅羣，珠圍翠陣著奇勳。
夜船燈火銀箏語，午榻煙絲碧篆文。
雙影翦波衫尾燕，一魂隨蝶草腰裙。
春愁懺向詩翁佛，如是清歌我亦聞。

紅葉館醺集席上贈黃夢畹

協填

指點虛無路，森漫煙霞勝處共盤桓。
道人慣叱金華石，韻士宜紉楚畹蘭。
四月園林鶉語歇，一泓海水酒杯寬。
願君姑解湘君佩，醉拾神山藥草看。

上海黃夢畹言旋在近同人醺集江東中村樓卽次紅葉館原韻爲贈

我欲掣鯨碧海驂，鸞嘯紫煙縱目騁懷上下三千年。
雕蟲文字作結習，男兒墮地真可憐。
扶桑挂弓差自壯，決皆一角紅霞邊。
何人拂衣可同調，銜杯以外無聖賢。
云有蹈海客來問，凌波仙是曹子建。
是魯仲連當其落筆興，乍旺更壓青蓮詩。
百篇宮商餘事細，咀嚼香心春息吹。
蘭荃相逢一笑萬花歇，觸手櫻筍春生筵。
飛觴擊篋恣揮灑，附驥深幸微名傳。
酒中問君信美否，碧虛樓閣三山天。
當年徐福樂忘返，褰裳況有麻姑媯。
聞言申浦

各自風情各自狂，休孤結客少年場。
簪花擊鼓平生事，我是揚州醉伯梁。

戲贈石埭用錦山韻

人有閒情便軟羣，珠圍翠陣著奇勳。
夜船燈火銀箏語，午榻煙絲碧篆文。
雙影翦波衫尾燕，一魂隨蝶草腰裙。
春愁懺向詩龕佛，如是清歌我亦聞。

紅葉館齋集席上贈黃夢晚

協填

指點虛無路，森漫煙霞勝處共盤桓。
道人慣叱金華石，韻士宜紉楚畹蘭。
四月園林鶻語歇，一泓海水酒杯寬。
願君姑解湘君佩，醉拾神山藥草看。

上海黃夢晚言旋在近同人釀集江東中村樓即

次紅葉館原韻為贈

我欲擊鯨碧海驂，鸞嘯紫煙縱日騁。
懷上下三千年雕蟲文字作結習，男兒墮地真可憐。
扶桑挂弓差自壯，決皆一角紅霞邊。
何人拂衣可同調，銜杯以外無聖賢。
云有蹈海客來問，淩波仙是曹子建。
是魯仲連當其落筆興，乍旺更壓青蓮詩。
百篇宮商餘事細，咀嚼香心春息吹。
蘭荃相逢一笑萬花歇，觸手櫻筍春生筵。
飛觴摩箋恣揮灑，附驥深幸微名傳。
酒中問君信美否，碧虛樓閣三山天。
當年徐福樂忘返，寧裳況有麻姑媯。
聞言申浦

亦多麗狂奴願結歡喜緣飛鳥果踐再游約多載童女
童男船

晃山紀游詩一百韻

晨趨看山約奇氣胸縱橫吾腹可容酒笑撫瓢彭亨巖
君玉堂彥許我載酒行錦山亦佳士視我如諸甥醉輒
歡握手渴則茶同烹往往痛飲夕談劇三四更更有不
速客氣誼偏合并詞場相倚角皆識青厓名四人戒味
日夙駕星言征隱隱東台鐘爽風吹宿醒飄輪自茲發
去去三十程程遠城市望望塵念輕蓮田霧旋破栗
橋虹乍成遙知晃山雨半閣刀川晴古河幾世壘鬱宮

何處城陰霞漸罨靄白日懸銅鉦亭午山影正潑眼煙
嵐迎喜極一矯首已忘瓢酒傾扶醉下車去蟬沸疑風
錯樹色水聲處憩息宜涼棚出浴葛衫薄登樓花簾清
坐臥取適意慮澹全無營村酒亦可下碧澗香魚羹野
飯亦可飽白雪炊新杭當面鳴蟲山空翠霑軒楹夕陽
墮飄忽林岫蒼紆縈有奔風淒其雨腳雲相撐灑然卷
空至奪我笑語旬顧眙壯神色各縱丘壑情披襟快不
寐賈勇難可爭青厓先衆起曉鳥鳴嚶嚶擔簦導我上
人訝樵弟兄振策石磴響躡屩蘿徑平回首神蛇橋蛇
身魚尾頰圓曜透林表照見琳宮明云是三佛堂佛額

搖光晶天女妙鬢鞞金燭蓮花擎上有相輪塔塔鈴時
一鳴鏘然隔疏樾安禪栖鴿驚左右老杉矗蒼鬱啼聽
甃前面東照廟廟貌巍崢嶸華表亦鉅麗豈獨驚諸僧
石壇曳幡影苔蒼澄寒泓門廊盡繪績一一五彩呈
甜狻猊舌倏爍蛟龍睛虎象互拏攫一吼聞華鯨傳是
高麗鐘柳營來貢誠其律中無射叩之音噌吰寰宇初
掃蕩四海望蓬瀛緬思霸略遠銘字刊崇禎正殿殊岑
巖金碧騰飛甍日色媚雕棟霞暈垂朱桁登殿默稽首
勅額何渾鍠配饗源右府與豐太廟翠帷飄彩紘英威儼如
在彷彿來雲輶相顧有慙德鼓樂空嗶嗶誠非王者尊

制作踰九閼齒齡十五世天曷容驕盈中興帝猷壯
日開麗京不然列皇迹湮沒委榛荆感此長太息徒倚
心怍怍出廟忽大笑殷殷雷車轟山容一何怒吾儕元
書生語不避忌諱矧乃將軍塋赫赫二荒祠萬籟吹竽
笙神姬晝欲下雜佩相鏗鏦青鳥翩何遲葆羽耀鈿璣
玉環太古劍錦囊弓在檠銅鐙彼何怪冷燄無紅瑩鬼
氣玉魚出人血金盃盛靈來遂懾伏狐狸難憑精想像
肅起敬再拜羞芳蘅次詣大猷院夜叉披赤鬚傑構亞
乃祖繡獸紛猗獐百寶中橫陳華蓋流蘇纓風雷爲呵
護紫氣沖蜺旌是時天濛濛咫尺無哈嶸頃刻雲四塞

猛雨俄崩泮欲行氣已沮仰望雙目眩恨不持大瓢更
舉黃金觥晚陪午橋醺杯饌羅侯鯖狂懷始一放同載
皆俊英禮略官崇卑捷鬪詩輸羸摩箋貪警速矢口歌
載賡相國微一笑風度冠列卿黃扉二十載翊聖推國
楨傳家只清白愛士到釣耕誰圖翰墨緣契此林泉盟
雲巒拱几案風竹敲棊枰幽居愜雅賞非才叨餘榮勞
生苦役役所嗟世網撓谿壑形夢寐今始聆潺湲衆山
動仙操鸞嘯諧韶韻既醉飽其德報固非瑤瓊作詩資
塵談拂拭谿頭阮墨氣蘊霏霧筆花吹蘭莖情慕謝康
樂才恥陸士衡邈此出塵想願與前賢評敢謂珠記事

亦勝金滿贏歸家枕瓢臥浙瀝天風聲

見山之游未能悉探其勝槩賦此志悵

見山三日游往還過其半看山不看瀑搔首起浩歎蓬
勃胸中雲憑空忽瀰漫一氣如白虹神凝不可散霧降
現彷彿黃濛失昏旦絕壁聞雷礮勢壓蟄龍竄龍頭轉
昂起鱗爪倏紛亂石怒崩更崩壑驚斷未斷萬水一束
力放作煙雲渙奇正何縱橫或自裏面看華嚴七百丈
劃嶂挽銀漢落景霞一條巖花四笑粲又有含滿潭披
髮神臨岸踏水天無聲仰摘北斗璨靈異宜冥搜蹉跎
根羈絆僅識廬山真孤負泉聲喚山鬼亦挪揄予才顧